

Payí Poro Romiyo ηweáyí nání eañinarini.

Payí rina Jisasoyá siyikíyí añí yoí Romiyo ηweagíáyí nání Poro niriri eañinarini. Añí apí, Itari piropenisíyo ikwíróniñípi añí ami ami ikwíróniñíyo seáyí e imónini. E Romiyí mixí ináyí Sisaoyi riniño ηweaagípirini.

Payí rina Poro Koriniyo niηweámáná apixí Pibíyí riniñími neari wiowáriníñariní. Sini Romiyo bi memé eñími neari wiowáriníñariní. Ayí nijíá nimóniro re oyaiwípoyniri niriri eañiniginí, “Ámá níní íwí yarigíáyí imóniñoi. Wigí íwí neriñípimi dání Gorixo tñi xepixepá róniñoi. Įwí ikaxí Moseso niriri eañípi nixídiriníñípimi dání ámá wé róniñí wí imónipaxímani. Sa Gorixomi xewaxo Jisasomi diñí niwikwíroriníñípimi dání oyá siñwíyo dání wé róniñí imóniro ámi o tñi nawíni imóniro epaxírini.” oyaiwípoyniri niriri eañiniginí.

1 ¹ Poroní payí rina neari mónapariñini. Nioni Kiraisi Jisasoyá xináíníñiñí nimóniri yariñá wonirini. Gorixo wáí nurimeiariní wo imóníwiniginiri wéyo íá numiriri oyá xwiyíá yayí neainarinípi nurimeíwiniginiri nirípeari niñonirini. ² Xwiyíá api o eñíná xegí wáí rókiamoagíáwa niriro ríwamiñí ηwíái riniñíyo eagíápimi dání nineariri símí e tiniñípirini. ³ Xwiyíá yayí neainariní api xegí xewaxo nání riniñípirini. O aga ámá nimóniríná imóniñípi nání diñí nimoranéná re yaiwiariníwáriní, “Mixí ináyí Depitoyá iyí axípa imóniñíyí woríani?” yaiwiariníwáriní. ⁴ Kwíyí xegí bi o imóniñípi nání diñí nimoranéná re yaiwiariníwáriní, “Gorixo eñí sixí eáníñí xío imóniñípi ayá wí siwá neari xwáripáyo dání owiápínimeaniri ámi siñí wimixiri neriñípimi dání réniñí neariñíríani, ‘Gí niwaxorini.’ neariñíríani?” yaiwiariníwáriní. O Jisasi Kiraiso negí Ámináo nání rariñini. ⁵ Omi dánini Gorixo wá nineawianiri xegí wáí wurimeiarigíáwa oimónípoyniri nearípeañírini. None wáí wurimeiaríná émáyí xixegíni níní wí wí diñí “Xwiyíá api neparini.” yaiwiro sini pírí miwialkí aría yímigí wiro érixixiri nearípeañírini. Kiraisomi e wiírixixiri nearípeañírini. ⁶ Seyíné eni ayí wiyínérini. Jisasi Kiraiso xíoyá imónipírí nání wéyo íá seaumírini wiyínérini. ⁷ Añí Romiyo ηweagíáyíne —Ámá Gorixo diñí sixí seayiri nioniyá oimónípoyniri wéyo íá seaumíriri eñyínérini. Seyíné nání nioni payí rina neari mónapariñini.

“Negí ápo Gorixo t́ni Áminá Jisasi Kiraiso t́ni awaú wá seawianiri seyíné niwayíroniro ɲweapírí nání seaiiri éisixini.” nimónarini.

“ ‘Romiyíné siɲwí seanímigini.’ nimónarini.” uriɲí nánirini.

⁸ Payí rina nearíná xámi ripi osearimini. Aní nimini xwiyía ripi íá menárariɲagía nání gí Gorixomi yayí wiarini, “Romiyó ɲweagía Jisasomi xídarigíáyí píráníɲí diɲí wikwíroariɲoi.” Xwiyía api aní nimini íá menárariɲagía nání seyíné niyínéni nání yayí wiarini. Jisaso neaiɲípimi dání seyíné e yariɲagía nání Gorixomi yayí wiarini. ⁹ Xewaniɲo —O e éwiniɲiriri niriɲípi anini miní niwíríná xwiyía xegí xewaxo nání yayí neainariɲípi wáí uriminiri nání yariɲáorini. Xewaniɲo nioni xíomi rixiɲí nuriríná sá bi miɲweá íníná seyíné nání yariɲí seawiariɲápi nání anani sopiɲí opaxírini. ¹⁰ Omi rixiɲí nuriríná seyíné t́ɲí e nání miɲpaxí imónayiná eɲagi aiwi agwi anani oyá diɲí t́ni bipaxí imónímiginiɲi anipaxí yariɲí wiarini. ¹¹ Ayí ripi nánirini. Nioni seyíné t́ɲí e niseaímeari searéwapiyaríná seyíné kwíyípi dání ámi bi t́ni yóí imóniro síkíki ámi bi t́ni nomixiga upírí nání nioni aga nibiri siɲwí seanimi nání nimónarini. ¹² Nioni seyíné niseaímearíná nionini eɲí sixí seaímiximi nání maríái, seyíné eni Jisasomi diɲí niwikwíro píráníɲí xídariniɲagía seaniri nioni eni diɲí niwikwírori píráníɲí xídariniɲagi naniro neriɲípimi dání xixe eɲí sixí ímixinani nání rariɲini. ¹³ Gí niriɲímeáyíné, seyíné ripi nání majía epírixiniri nání áwaní osearimini. Ayá wí seyíné t́ɲí e nání bíimiginiɲi neri aí amipi bi píri niraikiayíagi nání seyíné bi sini siɲwí miseaniɲárinini. “Nioni é má ami gimi ɲweagíáyí t́ɲí e nemeri wáí uraríná wí aría niniro Jisasomi diɲí wikwírogiápa segí wí eni nioni uraríná axípi wikwírórixiniri segí tíámini bíimigini.” nimónarini. ¹⁴ Nioni á má niyoni kinixí imónigíáyorani, wauyí imónigíáyorani, diɲí é mí saímí mogíáyorani, majía imónigíáyorani, á má ayo niyoni xwiyía yayí neainariɲípi urimía nání yoxáiniɲí inárinini. ¹⁵ Ayináni nioni á má Romi ɲweagíáyíné eni xwiyía yayí seainipaxípi wáí searimía nání símí dípénariɲini.

“Xwiyía yayí neainariɲípimi dání Gorixo yeáyí neayimixemeaariɲirini.” uriɲí nánirini.

¹⁶ Xwiyía yayí neainariɲípimi dání Gorixo diɲí wikwíróiáyo niyoni — Xámi Judayo yeáyí uyimixemeari é máyo eni yeáyí uyimixemeari epaxí eɲagi nání xwiyía api nání nioni ayá bi mé anani wáí rimearini. ¹⁷ Ayináni nene “Gorixo arige neri á má ámi wé róniɲí xío imóniɲípi wimixiniáriani?” niyaiwirane ududí neainipaxímani. Ayí ripi nánirini. Xwiyía yayí neainariɲípimi dání Gorixo wía réniɲí neaókímixáriɲirini. Á má Jisasomi iwamíó dání diɲí niwikwíróa numáná ámi xegí bi mé sa anini wikwíroariɲíáyí, ayí wé rónigíáyí wimixariɲirini. Bikwíyo dání re

niriniri eániŋípi, “Ámá Gorixoni diŋí níkwíróagía náni ‘Wé rónigíárini.’ ráriŋáyí diŋí níyimiŋí tígíáyí imónipíríárini.” niriniri eániŋípi nioni searariŋápi t́ni xixeni imóniŋagí náni searariŋíni.

Ámá Gorixomi ŕwí umogíá nánirini.

¹⁸ Gorixo ámá wé róniŋí xío wimónariŋípi mé rikikirió yariŋíáyí —Ayí wígí rikikirió yariŋíápi neróná Gorixo náni níjía imónipaxí imóniŋípi ŕwímini mamoaŋígíáyíri. Ámá ayí náni Gorixo aŋínami dáni wikí wóníagi náni pírf umamoŋípi rixa siŋáni piaumimí inini. ¹⁹ Ayí ripi náni rariŋíni. Gorixo ámá xío náni re yaiwipaxípi, “O imóniŋípi, ayí api ría imónini?” yaiwipaxípi yumíí miwimóní siŋáni imónini. Gorixo xewaniŋo imóniŋípi náni siwá winiŋí eŋagi náni rariŋíni. ²⁰ Xewaniŋo imóniŋípi —Api siŋwí t́ni siŋwí winipaxí mimóniŋagi aí eŋíná aŋína imixiri xwíárf imixiri eŋe dáni ámá apimi siŋwí niwiniríná “Xío imóniŋípi, ayí apíríani?” yaiwipaxíri. “Eŋí amipí api imixiŋo eániŋípi ná ŕwíyo aí wí samíŋí weníámani.” yaiwiri “Xío imixiŋípi xegí bí niwimóniri náni aga seáyí e ría wimónini?” yaiwiri epaxíri. Ayináni ámá Gorixomi wí yapí re uréwapiyipaxí menini. “Nioni joxi imóniŋípi náni majíá nimóniri náni nípiŋwíni mimóniŋí eŋáonirini.” uripaxí menini. ²¹ Eŋíná ámá ayí sini xixeni “Gorixo api ría imónini?” niyaiwiro aiwi re egíawixini. O Ŋwíáo eŋagi náni wé íkwiaŋwíyo tipaxípa mitipa ero amipí xío imixiŋípi náni yayí miwipa ero wígí diŋí nimoríná majimajíá ikáriniro diŋí xerŋwíni nimóá núíasáná diŋí ría xeyániŋíáyí imóniro egíawixini. ²² “Diŋí émi saímí moŋwaénerini.” niriŋo aiwi majimajíá ikárinigíáyí nimóniro ²³ Ŋwíá mipé aŋiŋí imóniŋomi mumíminí ŕwí numero mimóní ŋwíá bí íá oxiraneŋiniro ámáraní, iŋíraní, odipíraní, naŋwí onimiápiarani, xopaikigí bí nimixiro “Negí ŋwíá imóniŋípi, ayí ripirini.” rigíawixini.

Ámá Gorixomi ŕwí nomoríná egíápi nánirini.

²⁴ Gorixo ámá e majimajíá níkariniro yariŋagía niwiniríná wígí íeapá winariŋípi dáni sipí imóniŋípi xé oikíriŋeániŋoyiniri siŋwí winiŋinigini. Siŋwí e winíagi wiwaniŋíyí piáxi eámixiniŋíawixini. ²⁵ Ayí ripi náni Gorixo e eŋíri. Ámá ayí nepa imóniŋí Gorixo nánipi ŕwí umoro yapí imóniŋípi íá xiriŋo nemáná amipí níni imixiŋomi —O aŋiŋí miní yayí umepaxorini. “Ámá níni e éfrixini.” nimónariŋorini. Omi yayí numero íá mixirí xío imixiŋípi míni íá xiriŋo wéyo umero yariŋagía náni Gorixo e eŋíri. ²⁶ Ayináni Gorixo wígí íeapá winariŋípi dáni piáxi weániŋaxí imóniŋípi xé oikíriŋeániŋoyiniri siŋwí winíagi apíxíwa oxí nimeániŋiríná xiriŋíriŋiniri imóniŋípi píni niwíáriŋo apíxí wí t́ni nípiŋwíni mimóniŋípi niga ugíawixini. ²⁷ Oxowa ení apíxí nimearo xiriŋíriŋiniri imóniŋípi píni niwíáriŋo “Oxí wía t́ni íwí oinaneyi.” niyaiwiro aga símí níxeadípéniróná oxí wía wía t́ni íwí niniro piáxi

weánipaxí imóniņipi inigiawixini. Ayináni “Wigi néra ugiápi tni xixeni pirí Gorixo umamoņipi rixa wimeañirini.” rariņini.

²⁸ Ámá “Gorixo api imóniņoríani?” niwiaiwiro sími e mitinipa yariņagia náni o wigi “Sipi e e oyaneyi.” yaiwiarigiápi náni xe miņi niga úrixiniri siņwí winiņinigini. Siņwí e winiņi eņagi náni ayí amipi nipikwini mimóniņí ámá mepaxí imóniņipi néra nuro re yarigiárini. ²⁹ Nipikwini mimóniņí nni náni miņi iniro rikikirí epaxí imóniņí nni náni miņi iniro animí yariá epaxí imóniņí nni náni miņi iniro “Ámá wí ría omeárinipoyi.” yaiwiarigiápi náni miņi iniro yarigiárini. Apini yarigiámani. Ripi eni ayá wí yarigiárini. Siņwí íwí winiro “Amipi api nioni meapaxípirini.” bi onimiápi miyaiwí ayá wí yaiwiro niwiápinimearo ámá pikiro símráxwiró ero yapí wíwapiyiro ámá wí náni nuriríná sipí owímeaniri uriro únúniņi wikáiro mimayíó wiro ³⁰ xwiýápai uņwiráiro Gorixo náni sími tni ero ámáyo xixewiámí riniro mixí kñiro mixí meakñiro sipí imóniņí ámá sini niĵá mimónigiápi éwapniro xináixaneyo maņi wiafkiro yarigiárini. ³¹ Ripi eni yarigiárini. Majá ikáriniro diņi uņwiráripaxí mimónipa ero wíyo diņi sipí miwipa ero wá miwianipa ero yarigiárini. ³² E yarigiáyí Gorixo re ráriņipi náni niĵá nimóniro aiwi, “Ámá sipí api yarigiáyí wí siņi upaxímani. Pepaxíri.” ráriņipi náni niĵá nimóniro aiwi sipí api imóniņipimi niĵáda nuro apini mé sipí seáyi e imóniņí ripi eni nero íwí api néra warigiáyo weyí ayá wí meararigiárini.

“Gorixo ámá niyoni mí ómómiximí neríná wigi egiápi tni xixeni wiinárini.” uriji nánirini.

2 ¹ Ayináni ámá wíyo xwiýá umeararigiá wiyíneni wiyíneni bi osearimini. Sía yopariými Gorixo ámá niyoni mí ómómiximí yariná “Ayí náni íwí api eñarini.” uripaxí imóniņipi tigiáyínemani. Ayí ripi nánirini. Ámá íwí yarigiápi náni xwiýá umeararigiáyíné, seyíné eni íwí axípi yarigiáyíné eņagi náni wíniyo xwiýá numeariróná sewaniņíyíné eniņiņi mearinarigiá eņagi náni Gorixo mí ómómiximí seaiariná xwiýá bi uripaxí imónipíríamani. ² Ripi niyaiwiri niĵá imóniņwini, “Ámá sipí e yarigiáyo Gorixo xwiýá numeariri pirí numamoríná xeiwíni bi mé xixeni ayo ría wiarini?” yaiwiņwini. ³ Íwí axípi nero aí segí wíniyí íwí yarigiápi náni xwiýá umeararigiáyíné, wíniyo numeariróná segí axípi egiápi náni ploi yaiwinariņoi? “Xwiýá Gorixo neameáriníapimi anani múropaxenerini.” riyaiwinariņoi? ⁴ Gorixo segí íwí yarigiápi ríwímini omamópoyiniri wá niseawianiri seaiiņipi náni majá nimóniróná ripi eni riseaimónarini, “O wá ayá wí neawianiri pirí apaxí mé mineamamó eri okinimónipoyiniri xwapí ayá wí xwayí naniri ħweari yariņipi peayí wianipaxí imóniņipi yarini.” riseaimónarini? ⁵ Oweoi, seyíné diņi wakisí niniróná segí íwí yarigiápi ríwímini mimamoarigiáyo dani sía Gorixo

sipí áamá yarigiápi náni wikí ríá ápiáwíniñí niweri píri umamoníayi náni xío píri seamamoníapi wíni wíni ikwikwarimíniñí yáranijoi. ⁶Bikwíyo re niriniri eániñpa, “Gorixo áamáyo píri numamoríná woni woni xixegíni wigí néra ugíápi tíni xixeni píri umamoníárini.” niriniri eániñpa eníárini. ⁷Áamá Gorixo yayí neameri seáyi e neaimixiri negí wará urí mepaxí neaimixiri diñí niyimiñí tíñwaéne neaimixiri éwiniginiri epaxípi tíni xixeni nero píni miwíári aniñí miní yarigiáyo o píri numamoríná diñí niyimiñí tígiáyi imónipíri náni wimixiniárini. ⁸E neri aí áamá wiwaniñíyi nánini diñí nimóniro xwiyíá nepaxiñí imóniñipi aríkwikwí niwiro nipikwini mimóniñipimi xídarigiáyo píri numamoríná xegí wikí ríá ápiáwíniñí wearíñipimi dáni píri umamoníárini.

⁹Áamá sipí yarigiá ayí ayo xeaniñí mimeniñiwí ayikwí miripaxí imóniñipi wímeaníárini. Judayí e yarigiáyo añipaxí niwímeari aí émáyí e yarigiáyo eni wímeaníárini. ¹⁰Api e niwiri aí áamá naní yarigiá ayí ayo seáyi e umeri wé íkwianwíyo ñwirárirí niwayiróniro ñweapíri náni wiiri eníárini. Judayí e yarigiáyo añipaxí e niwiiri aí émáyo eni wiiníárini. ¹¹Gorixo áamáyo píri numamoríná símí símí e nimeri píri umamoníámani. Sa áamá wigí egíápi tíni xixeni píri umamoníá enagi náni rariñini. ¹²Áamá Gorixoyá ñwí ikaxí eániñipi mayí nimóniro íwí yarigiáyi aníñipíri náni xwiyíá numeáriríná ñwí ikaxí eániñipimi dáni numeárirí “Joxí xwiyíá e eániñí api niwiaíkirí eníáriani?” nuriri umeáriníámani. E neri aí ñwí ikaxí eániñipi tígiá íwí yarigiáyo o apimi dáni xwiyíá nuriri umeáriníárini. ¹³Ayí ripi nánirini. Áamá xíoyá ñwí ikaxí eániñipimi nepa mixídfí surímá aríá wiáriáyí náni Gorixo diñí re yaiwiníámani, “Nioniyá siñwíyo dáni wé róniñí imónigiáyíriani?” yaiwiníámani. Áamá aríá niwimáná xixeni xídarigiáyí nánini “Wé róniñí imónigiáyíriani.” ráriníárini. ¹⁴Émáyi — Ayí ñwí ikaxí eániñipi mayí imónigiáyíriani. Ayí wigí diñí tíni ñwí ikaxí eániñipi riniñpa nerónáyí, ñwí ikaxí eániñipi mayí imóniñagía aiwi wigí diñíyo dáni re yaiwiarigiárini, “Mepaxí imóniri anani nepaxí imóniri enípi, ayí apíríani?” yaiwiarigiárini. ¹⁵Ayí pí pí neróná wigí diñíyo dáni “Nioni e neríná sipí ríá yariñini?” yaiwiniro “E neríná naní ríá yariñini?” yaiwiniro yarigiápi siwá réniñí inarigiárini. Ñwí ikaxí Bikwíyo eániñpa negí xwioxíyo eni axípi éniñí reánini? Siwá éniñí inarigiárini. ¹⁶Xwiyíá yayí neainariñí nioni rariñápi riniñpa síá Gorixo xegí xewaxo Jisasomi dáni áamá wigí egíápirani, diñí ínimi ikwíroarigiápirani aí, píriró winíáyí imónáná áamá niyoni wigí egíápi tíni xixeni píri umamoníárini.

**“Judayí ñwí ikaxí eániñipimi diñí niwikwíroro
aí wiaíkiarigiárini.” uríni nánirini.**

¹⁷E neri aí wiyíne “Nene Judayí wíriníñwaénerini.” rinarigiáyíne re yarigiárini. Ñwí ikaxí Moseso eanípimi diñí niwikwíroróná “Negí apimi xídaríñwápimi dáni Gorixo yeáyí neayimixemeaníárini.” riro

seáyi e nimeniro “Ámá Gorixoyá ayá tñwaéne imóniñwini.” riro yariǵárini. 18 Seáyi e nimeniro “Gorixo ámá e érixiniri wimónariñipi tñi xixeni rixa niǵá imóniñwini.” riro “Ŋwí ikaxí eániñipimi dání nearéwapiyigiéne eñagi náni nañi imóniñipimi siñwí mí nómixirane ‘Api nañi imóniñipirini.’ ripaxenerini.” riro yariǵárini. 19 “Ámá siñwí supáriǵáyo nene siñwí tñwaéne anani nipemeámi upaxenerini.” yaiwinariǵápa seyíne diñi re niyaiwiniro diñi siñá eániro, “Émáyo uréwapiyipaxí imóniǵáyi ámá wímani. Ayí nenenirini.” niyaiwiniro diñi siñá eániro “Émáyi Gorixo náni majía nero síá yiniñimíniñi emeariǵáyo wía wókímixipaxí imóniǵáyi ámá wímani. Ayí nenenirini.” yaiwiniro yariǵárini. 20 “Ámá diñi mamó neri arikí yariǵáyo ayiyumí wipaxí imóniǵáyi, ayí nenerini.” yaiwiniro “Ámá sini niaíwí diñi mogíáyo uréwapiyipaxí imóniǵáyi, ayí nenerini.” yaiwiniro “Ŋwí ikaxí eániñipi tñwaéne eñagwi náni mǵkí amipí náni niǵá imónirane nepaxiñi imóniñipini rirane yariñwaénerini.” yaiwiniro yariǵárini. 21 Seyíne e e niyaiwiga warigiǵápi nepa nimónirínáyí, ámá wíyo uréwapiyariǵáyiñé pí náni sewaniñyiñé miréwapíni yariǵárini? Ámáyo “Íwí mimeapani.” nuriro aí seyíne eni íwí mimeá yariǵáyiñérani? 22 “Meániǵáyiñé, íwí minipani.” nuriro aí seyíne eni íwí miní yariǵáyiñérani? “Ámá xopaikigi nimixiro ‘Negí ñwíapi, ayí ripirini.’ rariǵápi náni xwíría neainarini.” niriro aí seyíne añi ñwía xopaikigi náni miriniñyo nipáwiro íwí mimeapa yariǵárani? 23 Weyí nimeniro “Ŋwí ikaxí eániñipi tñwaéne mimónipa reñwini?” rariǵáyiñé, apimi niwiaíkiríná pí náni “Ayí Gorixomi ayá miwímó wé íkwiañwíyo uñwiráranñwini.” yaiwiarigiǵárini? 24 Judayíne “Gorixomi xidarñwini.” niriro aí sipí api api yariǵáyiñé eñagi náni Bikwíyo xixeni ripi niriniri eánini, “Sipí seyíne yariǵápi dání émáyi Gorixomi ikayíwí umearariǵárini.” E niriniri eániñipi seyíne náni xixeni rinini.

“Ámá iyí símí síó wákwínariǵápi dání Gorixoyá imónariǵámani.” urini nánirini.

25 Judayíne ñwí ikaxí eániñipimi xixeni nixidíronáyí, segí siwí “Ámá o Gorixoyá imóniñi woráni?” yaiwipiri náni iyí símí síó wákwínariǵápi nañi seaiipaxí aí ñwí ikaxí eániñipimi niwiaíkirínáyí, iyí símí síó niwákwíniro aí nañi seaiipaxí mimóni neri miwákwíniǵáyi yapi imóniñoi. 26 Ámá iyí símí síó miwákwíniǵáyi ñwí ikaxí eániñipi xixeni nixidíronáyí, iyí símí síó miwákwíniǵá aí Gorixo “Ayí ámá nioniyáyiñini.” yaiwiarñagi náni wákwíniǵáyiñiñi imóniñoi. 27 Judayíne ñwí ikaxí eániñipi tǵiǵáyiñé imóni ro iyí símí síó wákwíniro eǵiǵáyiñé aí apimi wiaíkiánáyí, émáyi —Ayí iyí símí síó miwákwínariǵáyiñini. Ayí miwákwíniǵá aí ñwí ikaxí eániñipi tñi xixeni yariǵápi dání seyíne xwiyía seaxekwímopaxí mimónipa epírírani? Oyi,

xwiyía seaxekwímopaxí epíríárini. ²⁸ Ayí ripi náni searariñini. Segí waráyo igí wegíá bimi dáni áamá Gorixoyá imónarigiámami. Wákwinariñí áamá Gorixoyá wimixipaxí imóniñipi eni iyí símí seyiné sío wákwinarigiápimani. ²⁹ Oweoi, áamá nepa Gorixoyá imónigiáyí wigí xwioxíyo inimi dáni e imónarigiárini. Wákwinariñí áamá xíoyá wimixipaxí imóniñipi, ayí wigí diñíyo dáni imónarigiárini. Iñwí ikaxí eániñipi xídarigiápimi dáni maríái, kwiyí Gorixoyápimi dáni áamá oyá imónarigiárini. Áamá e imónigiáyo wíniyí seáyí e umepíríámami. Gorixoni umeníárini.

“Judayí xwiyía Gorixoyá eániñipi tígíáyirini.” uríñi nánirini.

3 ¹ Áamá iyí símí sío wákwinarigiápimi dáni Gorixoyá imónipaxí menagi náni píyo dáni Judayene émányo múronñwini? Negí wákwinariñwápimi dáni aga pí naní neaiariñirini? ² Ai, nene Judayene eñagwi náni amipí naní bi bi obaxí neámeañirini. Naní bi bi obaxíyí xírani imóniñipi, ayí ripirini. Gorixo xwiyía xíoyápi Judayí nixídiro mewérixiniri neaiapiñirini. ³ Judayí diñí niwikwírooro xwiyía apimi xaíwí íá mixiripa egíá eñagi náni píoi ripaxírini? “ ‘Ayí diñí niwikwírooro xaíwí íá mixiripa egíá náni Gorixo “Naní e niseaiimíárini.” uráriñipi aría ikeamóníárini. Xixeni e eníámami.’ ripaxírini.” riseaimónarini? ⁴ Aga oweoi! Áamá nñi yapí rariñíá imóniñagiá aí Gorixo náni wí e ripaxí menini. Nepáni niriri xegí rariñipi tñi xixeni yárarinorini. Bikwíyo dáni axípi re rinini, “Áamá ‘Gorixoxi íwí nene eñwápi náni xwiyía neameáraníñipi xixeni neameáraníñini.’ riripíríárini. Joxi xwiyía rimeáraniro yaríná xopírírí wiríárini.” riniñagi náni re yaiwiñwini, “Gorixo rariñipi tñi xixeni yárarinoríani?” yaiwiñwini. Ayináni “O xegí Judayo ‘E niseaiimíárini.’ uráriñipi wí aría ikeamóníámami.” searariñini.

⁵ E neri aí Judayene Gorixomi maní niwiaíkirane sipí eñwápimi dáni o neariñipi tñi xío xixeni píraníñi xídaríñipi siñáni piaumimí ninirínáyí, píoi ripaxírini? Áamá wí nene niwiaíkirane sipí yariñagwi siñwí nineaniriñíyo dáni “Neparini. Áamá wímani. Sa Gorixoni xío riñipi tñi xixeni yárarinorini.” yaiwariñagiá náni nene re ripaxírani, “Gorixo Judayene wikí nineaóniri píri nineamamoríná nipíkwini miyarinini.” ripaxírani? “Áamá diñí nipíkwini mamó rariñíápa nimori ría rariñini?” nimónarini. ⁶ Oweoi, wí e ripaxí menini. “Judayene sipí eñwápi náni Gorixo píri nineamamoríná nipíkwini miyarinini.” ripaxí eñánáyí, o arige neri áamá niyoni eni píri umamopaxí imónini? O áamá niyoni eni píri umamopaxo eñagi náni wí e ripaxí menini. ⁷ Áamá wo re niriñigini, “Áamá wí nioni Gorixomi maníyo niwiaíkirani sipí yariñagi siñwí ninaniro re yaiwipíríoi, ‘Ámányo xío xegí urariñipi símí e nitiniri xixeni xídaríño, ayí áamá wímani. Sa Gorixorini.’ E niyaiwiro omi yayí numerínáyí, pí náni o nioni íwí éapi náni xwiyía ninimeáririri píri nimamopaxírini? Sipí nioni

éápipimi dání áamá Gorixo yariñípi nání dñí naní nimoro yariñagía nání nioni arige píri nimamopaxírini?” Áamá wo e nirinigini. ⁸Áamá o e nirinípi nepa eñánáyí, áamá wí nioni yapí ninixekwímoro repiyí “Poro e nira wariorini.” rarigíápa axípi re oraneyi, “Naní imóniñípi siñáni imixani nání ne sipí néra owaneyi.” oraneyi. E niseariri aí áamá e rarigíáyí xixeni xwiyíá meárinipíríárinini.

“Áamá wé róniñí imónigíáyí wí menini.” uriní nánirini.

⁹Ayináni píoi raniréwini? “Judayene seáyi e imóniñí bi neaímeañí eñagi nání émáyo seáyi e wimóniñwini.” raniréwini? Wí e raniméwini. Ayí ripi nánirini. Nioni xámi níríná “Áamá nineneni Judayenerani, Girikiyenerani, negí íwí yariñwápi neaikwaripeaárinini.” rixa ráráf eñagi nání wí e ripaxí menini. ¹⁰Bikwíyo dání ripi ripi nira uníyí nioni searariñápipimi sopiñí nonini. Bikwíyo wí e ripi niriniri eánini, “Áamá wí aga wé rónigíá mimóniñoi. Wo aí e mimónini. ¹¹Áamá wí nijíá nimóniro ‘Arige neri Gorixomi ínimi wurínimindiréini?’ yaiwiarigíámani. ¹²Níni omi ríwí umóagía nání oyá siñwíyo dání rixa sipí imóniñoi. Wí wé róniñí imóniñípi yarigíámani. Wo aí e miyariñírini.” niriniri eánini. ¹³Ámi wí e ripi eni niriniri eánini, “Wigí mañíyo dání rarigíápi xwáripá oxoámioañáná piyaní eariñípiñí imónini. Yapí owíwapiyaneyiniro ayá wí nira warigíárinini. Weaxíá sidíñí noríná áamá pikiaríñpa wigí xwiyíá nírironá axípi yariñírini.” eni niriniri eánini. ¹⁴Ámi wí e ripi eni niriniri eánini, “Xwiyíá áamáyo ikayíwí umeariro ramixiro yarigíápi wigí mañíyo magwí rároni.” eni niriniri eánini. ¹⁵Ámi wí e “Ayí áamá opikianeyiniri aga símfí xeadípenarigíárinini. ¹⁶Ayí nemerigíe aga uyíni níwikárasáná rixa ‘Yeyi!’ raríná píni niwíárimi warigíáyírini. ¹⁷Óí áamá niwayiróniro ñweapíri nání imóniñíyimi wí warigíámani.” eni niriniri eánini. ¹⁸Ámi wí e “Ayí ‘Gorixo seáyi e imóniñoríani?’ niyaiwiro wí wáyí wiarigíámani.” eni niriniri eánini. Api api nira uníyí nioni searariñápi tñi xixenirini.

¹⁹Nene nijíá re imóniñwini. Áamá nimini ñweagíáyí Gorixomi xwiyíá mañí nexoámoro muripaxí imóniro oyá siñwíyo dání xwiyíá meárinipaxí imóniro epíría nání pí pí ñwí ikaxí eániñípipimi dání riniñípi Judayene, apimi xídírinxiniri nearepeáriñene neararini. ²⁰Ayí ripi nánirini. Áamá wí “Ñwí ikaxí eániñípipimi pírániñí oxídimini.” niyaiwiro éáyí api tñi xixeni mé wiwaniñíyí “Nioni niwíáikiri íwí éáoníríani?” niyaiwiniri nijíá e imónarigíárinini. Ayináni áamá ñwí ikaxí eániñípipimi níxídíriniñípipimi dání wí Gorixoyá siñwí tñí e dání wé rónigíáyí imónipíríá menini.

“Áamá Jisasomi dñí wikwíróáyí wé róniñoi.” uriní nánirini.

²¹E neri aí agwi ríná óí Gorixo xíoyá siñwí tñí e dání áamá wé róniñí oimónípoyniri wimixáriñíyí xewaniño rixa síwá neaiñírini. Ñwí ikaxí

Moseso enjina niriri enjipi tni xwiya wia rokiamoagiawa niriro eagipi tni apiau of agwi rina Gorixo ama we roniji oimoniypoyiniri wimixarinyi nani niriri sopini nori aiwi we roniji api ama wiwaninyi hwi ikaxi eanijipimi nixidirinjipimi dani imonipaxipimani. Xegi bi imonijipirini. ²²⁻²³ Ayi ripi seararjini. Gorixo ama go go Jisasi Kiraisomi diji wikwiroarjagi niwinirina "Gi we roniji worini." rararjirini. Ayi ripi nanirini. Ama nineneni fwi nerane Gorixo seayi e imoniji api efixiniri imonijipi me pisii wearijwa enagwi nani o Judayo xegi bi wiiri emayo xegi bi wiiri neri yeayi uyimixemeanfamani. Diji wikwiroia giyi giyi nini nani o "Diji wikwiroarigiayi, ayi gi we ronigiayirini." rararjirini. ²⁴ Gorixo winiyi eni xixe bi oniypoyiniri mineaii wa nineawianiri Kiraisi Jisaso nineapeirina nearoayironjipimi dani "Gi we ronigiayirini." rararjirini. ²⁵⁻²⁶ O ama "Jisaso nene ananiginiri nani wayia neapeinjirani?" nyaiwiro diji wikwiroarigiapimi dani wigi fwi yarigiapi yokwarimi wifimiginiri omi amaya sijwi anigie dani ridiyowaniji wiarijirini. E nerina "Niwanijoni we roniji imonijipi tni xixeni yarijirini." eniji niriri siwa neanjirini. Ayi ripi nani rarjini. Enina dani Gorixo kikijaniji neri "Ama fwi eiaipi nani axina piri oumamomini." miyaiwi sa nimuroa nuisanan agwi rina ama nni "Neparini. Gorixo we roniji imonijipi tni xixeni yarjorini." yaiwipiria nani xewaxomi e wiarijirini. Ayinani Jisasomi diji wikwiroia giyi giyi nani anani "We ronigiayirini." ripaxorini.

²⁷ Ayinani ama go "Ijwi ikaxi Moseso niriri enjipimi xidarjapimi dani we roniji imonijaonirini." niriri mixi meakinipaxi imonini? Oweoi, hwi ikaxi eanijipi xidarigiapimi dani mariai, sa Jisasomi diji wikwiroarigiapimi dani we ronigiayi imonarigia enagi nani ama e ripaxi imonigiayi wi menini. ²⁸ Ayinani re neaimonarijirini, "Gorixo 'Ama ayi we ronigiayirini.' niraririna wigi hwi ikaxi eanijipi xidarigiapimi dani rararjirini. Jisasomi diji wikwiroarigiapimi danini e rararjirini." E nineaimoniri urewapiyarjwarini. ²⁹ "Gorixo Judayoni yeayi uyimixemeania nani imonijorini." riyaiwiarjoi? "Emayo eni yeayi uyimixemeania nani mimonijorini." riyaiwiarjoi? Oweoi, emayo nani eni imonijorini. ³⁰ O na woni imonijo enagi nani "Ama ayi gi we ronigiayirini." niririna bi bi yarjagia niwinirinjipimi dani e raririfamani. Iyi simi sio wakwinigiayirani, sio miwakwinigiayirani, sa Jisasomi diji wikwiroarjagia niwinirinjipimi danini "We roniji imonigiayirini." raririfirini. ³¹ Nene re niriranenayi, "Ama Jisasomi diji wikwiroarigiapimi danini Gorixo 'Ayi we ronigiayirini.' rararjirini." niriranenayi, "Ijwi ikaxi eanijipi xwia oweniniri yarjwini." riseaimonarini? Aga oweoi! E niriranenayi, nepa hwi ikaxi eanijipimi sikiki nomixiri yarjwini.

**"Ebiramo Gorixomi diji wikwiroagi nani
'We ronijorini.' rarjirini." uriji**

4 ¹ Negi ario irijo, Ebiramo —O nene yapi imonijorini. O xegi enjipi nani diji nimorane "Gorixo apimi dani 'Ama we

rónigíáyírini.’ rárariņíríani?” niriranéná píoí raníwini? 2-3 Arío Ebiríamo xewaniņo eņí neániri eņípimi dáni Gorixo “Gí wé róniņorini.” niríriri siņwiriýí, xewaniņo anani mixí meakíninipaxírini. E neri aí Bikwíyo dáni píoí niriniri eánini? “Ebiríamo ‘Gorixo nepa nirarini.’ niyaiwiri diņí wikwíróagi náni o náni Gorixo ‘Wé róniņorini.’ yaiwiáriņírini.” niriniri eániņagi náni Gorixoyá siņwí tíņí e dáni mixí meakíninipaxí wí mimónini. 4 Nene niǰá ripi imóniņwápi náni diņí omoaneyi. Ámá wo o xegí nigwí omiņí éipi náni nigwí wíáná, “Anipá wíǰirini.” yaiwiarinwámani. “Xegí omiņí éipi náni xixeni wíǰirini.” yaiwiarinwárini. 5 Nigwí omiņí yariņwápi náni diņí e niyaiwirane aí ámá Gorixo “Wé rónigíáyírini.” rárariņíýí náni diņí nimoranéná “Ayí wigí egíápi tni xixeni ría wiarini?” wí yaiwipaxímani. Ámá nioni gí eņí neániri yariņápimi dáni Gorixo “Wé róniņorini.” oriniri mé sa omi —O ámá íwí yariǰíáyí xíomi diņí wikwíróagía niwiniríná anani “Wé rónigíáyírini.” rárariņorini. Omi diņí niwikwíróarínáyí, o “Ayí diņí nikwíroariņagía náni gí wé rónigíáyírini.” yaiwiáririņírini. 6 Nioni searariņápi tni xixeni eņíná mixí ináyí Depito yayí ámá niwaninioni eņí neániri pírániņí oeminiri yariǰíápimi dáni maríái, yayí diņí wikwíroariǰíápimi dáni Gorixo “Gí wé rónigíáyírini.” rárfagi náni winariņipi náni xwiýá bi eni niriri re riņírini, 7 “Ámá wigí rikikíríó yariǰíápi Gorixo yokwarimí wiņí giýí giýí yayí owinini. Ámá wigí íwí egíápi Gorixo rixa yokwarimí wiłagi náni ámi ríwéná xwiýá mimeárinipíríá imónigíá giýí giýí yayí owinini. 8 Ámá wigí íwí egíápi náni Ámináo rixa diņí peá nimori náni ámi ‘Sipi e eņoríani?’ miwíaiwipa eníáyí yayí owinini.” Depito e riņírini. 9 “Yayí ámá Gorixo ‘Wé rónigíáyínérini.’ urářípimi dáni winipaxí imóniņípi, ayí ámá iyí símí síó wákwínigíáyíni nánirini.” riseaimónarini? Síó miwákwínigíáyí náni eni menirani? Bikwíyo xwiýá re niriniri eániņípi, “Gorixomi Ebiríamo diņí wikwíróagi náni ‘Gí wé róniņí worini.’ yaiwiáririņírini.” niriniri eániņípi nene miņí iroariņwá eņagi náni re nimónarini, “Yayí api síó miwákwínigíáyí náni enirini.” nimónarini. 10 Ebiríamo arige eņáná Gorixo “Wé róniņorini.” ráriņírini? Iyí símí rixa síó wákwíninimírani, sini síó miwákwíninimírani? Rixa síó wákwínináná maríái, sini síó miwákwínináná ráriņírini. 11 Ayí ríwíyoni Gorixo sekaxí re uriņinigini, “Iǰí weņípi naineniríná ‘Nioni Gorixoyá woníríani?’ yaiwiría náni iyí símí síó wákwínei.” uríagi o diņí sini síó miwákwínináná wikwíróagi náni “Gorixo ‘Wé róniņorini.’ ráriņoniríani?” yaiwini náni igí api eņírini. Ayináni Ebiríamo ámá iyí símí síó miwákwínigíá aí Gorixomi diņí wikwíróagía náni “Wé rónigíáyírini.” rárariņipi náni iwamíó epeņo eņagi náni wigí xiáwo íriņóniņí imónini. 12 Síó wákwínigíáyí náni eni wigí xiáwo íriņóniņí imónini. Diņí miwikwíró síóni wákwínigíáyí maríái, ámá síó niwákwíníro aí Ebiríamo síó miwákwínináná Gorixomi

diŋí wikwíroŋípa axípi wikwíroarigiáyí náni eni wigí xiáwo íriŋóniŋí imónini.

“Ebiríamo diŋí wikwíroarigiáyí dáni Gorixo símimaŋíyo dáni uriŋípi wímeaŋírini.” uriŋí nánirini.

¹³Ebiríamo ŋwí ikaxí riniŋípimi xídariŋagi nánirani, oyá iyí axípa imónigiáyí xídipíríá eŋagi nánirani, Gorixo xegí símimaŋíyo dáni “Dixí iyí axípa imónigiáyí tñi aŋí nimini segí imóniníárini.” uriŋímani. Xíomi diŋí wikwíróagi náni “Wé róniŋorini.” ráriŋi símimaŋíyo dáni e uriri eŋírini. ¹⁴Ámá diŋí miwikwíró ŋwí ikaxí eániŋípimini xídariŋíáyo Gorixo Ebiríamomi símimaŋíyo dáni “E niseaiimíárini.” uriŋípi nepa niwímeari siŋwiriŋí, ámá Gorixomi diŋí wikwíroarigiáyí surímá ero xwiŋíá Gorixo uriŋípi surímá xwiáni uxewieáriri epaxírini. ¹⁵Ayí ripi nánirini. Ámá ŋwí ikaxí eániŋípimi xixeni oxídiminiri éíáyí wigí niwiaíkiriniŋípimi dáni Gorixo píri umamoníápi náni yarigiárini. E neri aŋí ŋwí ikaxí mirinipa eŋánáyí, niwiaíkipaxí imóniŋípi eni menini. ¹⁶Ayináni Gorixo Ebiríamomi “Joximi dáni ámá niyoni naŋí wiimíárini.” uriŋípi ámáyo niwímeaŋírná xegí bi mimóní íníná ámáyo wá niwianiri anipá wiariŋápi tñi xixeni oimóniri náni ámáyí nñi xíomi diŋí wikwíroarigiáyí dáníni owímeaniri eŋírini. Ŋwí ikaxí eániŋípi tígíáyoni owímeaniri eŋímani. Ebiríamo Gorixomi diŋí wikwíroŋípa wikwíroarigiáyí giŋí giyo eni owímeaniri eŋírini. O diŋí wikwíroariniŋwápi épeŋo eŋagi náni nineneniŋí negí arfo íriŋóniŋí imóniŋorini. ¹⁷Bikwíyo xwiŋíá ripi “Gorixoni ámá gwí wirí wirí obaxí ayá wí náni xiáwo íriŋoxi imóníwiniginiri simixíini.” niriŋiri eániŋípi nioni searariŋápi tñi xixeni imóniŋagi náni rariŋini. Ayináni Gorixo —O ámá pegíáyí áni wiápínimeapíri náni diŋí sixí uyiri amipí sini mimóniŋípi oimóniri riri yariŋo, ayí orini. Ebiríamo diŋí wikwíroŋo, ayí axorini. Ayináni o “E niseaiimíárini.” uriŋípi bi aríá mikeamonini. Sini símimaŋí e tinini. ¹⁸Ebiríamo Gorixo “Dixí ráriawéyí obaxí e imónipíríárini.” niriŋípi xixeni ninímeari ámá gwí wirí wirí obaxíyíá xiáwo íriŋoni imóníwiniginiri yagírini. E neri Gorixo “E niseaiimíárini.” uriŋípi náni diŋí nimoríná “‘Apimi dáni xixeni e nímeaníárini?’ niyawiŋi diŋí wikwíropaxímani.” wimóníagi aŋí nímeaníwiniginiri aniŋí Gorixomi diŋí niwikwírori niwikwímóa uŋiniginí. ¹⁹E neri xewaniŋo imóniŋípi náni diŋí nimoríná “Xwiogwí nioniŋíá 100 náni aŋwi e eŋagi náni rixa yíwí imóniŋáoniríani?” yaiwiri “Gí apixí Seraí eni rixa rípaíwí imóniŋíríani?” yaiwiri neri aiwi Gorixomi diŋí wikwíroŋípi bi miwáramó aniŋí íá nixira nuri ²⁰Gorixo xegí símimaŋíyo dáni “Dixí apixí Seraí niaíwí wo xiriníárini.” uriŋípi náni diŋí niwikwíroríná diŋí bi bi mimó omi yayí numeri eŋí neága nuri xegí diŋí wikwíroŋípi xaíwí íá nixira uŋiniginí. ²¹Xaíwí íá nixira nuríná re yaiwiŋiniginí, “Gorixo

‘Niseaaimíárini.’ niriñípi e mepaxoríani? Oweoi, aga xixeni e epaxorini.” yaiwiñinigini. ²² Ayináni Bikwíyo niriniri eániñípa Gorixo Ebiríamo diñí e wikwíroariñagá niwiniri náni “ ‘Gí wé róniñí woríani?’ yaiwiñinigini.”

²³ Bikwíyo dáni “ ‘Gí wé róniñí woríani?’ yaiwiñinigini.” niriniri eániñípi, ayí Ebiríamo nánini mirinini. ²⁴ Nene diñí neaimonía náni eni niriniri eánini. Gorixomi —Oyá diñí tñi Áminá Jisaso xwáripáyo dáni wiápínimeañirini. Omi diñí wikwíroariñagwi náni “Gí wé róniñíáyirini.” ráriníene diñí neaimonía náni eni niriniri eánini. ²⁵ Negí íwí yariñwápi yokwarimí neainía náni ridiyowániñí wiri nene náni “Wé róniñíáyirini.” rinía náni xíoyá diñí tñi xwáripáyo dáni wiápínimeari eno, ayí Jisaso diñí wikwíroariñwáorini.

“Gorixo áamá xío tñi nawíni imónírixiniri Kiraiso enjípimi dáni piyá neawíriñirini.” uriní nánirini.

5 ¹ Ayináni Gorixo nene Jisasomi diñí wikwíroariñagwi siñwí nineaniri “Wé róniñíáyirini.” rárariní enagá náni re ripaxíri, “Nene negí Áminá Jisasi Kiraiso neaiñípimi dáni rixa Gorixo tñi nawíni piyá wíriníwini.” ripaxíri. ² Jisasomi diñí wikwíroariñwápimi dáni Gorixo xío áamáyo wá niwianiri wiarinípi náni xe nijá imóniro api wímeáfyí imóniro oépoyniri siñwí neaninenerini. E imóniñwaéne seáyi e Gorixo imóniñípi siwá neafwiniginiri diñí wikwímoariñwápi náni diñí níá neainarini. ³ Api nánini diñí níá neainariñimani. Xeaniñí nene neafmearinípi náni eni diñí níá neainariñirini. Ayí ripí nánirini. Xeaniñí neafmeariñípi, ayí xaíwí neaimixini náni ría neafmeariniri diñí níá neainariñirini. ⁴ Nene pí pí neafmeariñípi xaíwí nineaimixa úaná Gorixoyá siñwíyo dáni mimiwiáró yariñwaéne imónariñwáirini. Mimiwiáró yariñwaéne imóniñagwi naineniranéná “Seáyi e Gorixo imóniñípi siwá neaininíárani?” niyaiwirane diñí ikwímoariñwáirini. ⁵ Diñí e nikwímoranéná rípaíwíniñí wí meañwámani. Ayí ripí nánirini. Gorixo xegí kwíyí sixí neaimóniñípimi dáni xewaniño siwá réniñí neainiñí enagá náni, “Nioni seyíné náni aga wá nonariñonirini.” Siwá éniñí neainiñí enagá náni diñí nikwímoranéná wí rípaíwíniñí meañwámani. Diñí “E neafmeaníárani?” niyaiwirane wikwímoariñwápi xixeni neafmeaníárini.

⁶ Ayí ripí náni “Diñí wikwímoariñwápi náni rípaíwíniñí meañwámani.” searariñini. Xámi Gorixomi ríwí umoagwaéne enjí óniñí nerane xewaniñene yeáyi yimixemeánanirane náni wí mimóniñáná Gorixo xe oeniri wimóniñáná áamá Kiraiso yeáyi neayimixemeámíániri náni neapeiñirini. ⁷ Ámá wé róniñí wo náni arirá wíimiginiri anani pepaxí imóniñíáyí obaxírani? Oweoi, aga wíni wíná áríní wa áamá nañí wo náni arirá wíimiginiri miñí winipaxí imónariñíárini. ⁸ E neriñí aiwi nene rixa áamá wé róniñí nimónimáná enjáná maríái, nene sini

uyínií wiaríná Kiraiso neapeiñípimi dání Gorixo nene nání diñí sipí neaiñípi nání neaiwapiyiñirini. ⁹ Ayináni re niyaiwirane aiwi, “Jisaso niperíná xegí ragí púípi igiániñí neaeámóáná nene nání Gorixo ‘Wé rónigiáyirini.’ ráriñirini.” niyaiwirane aiwi ripi añipaxí yaiwiñwini, “Ríwéná Gorixo áamáyo píri numamoríná Kiraiso eñípimi dání yeáyí neayimixemeaníarini.” yaiwiñwini. ¹⁰ Ayí ripi searariñini. Nene Gorixo tñi xepixepá róniñáná xewaniño xegí xewaxo peñípimi dání xío títámini bipaxí oimónípoyiniri piyíá neawírini eñagi nání ripi añipaxí yaiwiñwini, “Gorixo áamáyo píri numamoríná rixa piyíá neawírini xewaxo niwíápinimeari siñí imóniñípimi dání yeáyí neayimixemeaníarini.” yaiwiñwini. ¹¹ Api nánini diñí níá neainariñimani. Nene negí Áminá Jisasi Kiraiso —O nene Gorixo tñi nawíni imónaníwá nání piyíá neawírini. O diñí sipí nineairíná neaiñípi nání diñí nimoranéná “Xano Gorixo eni apíniñí imóniñoríani?” niyaiwirane yayí seáyimi dání yariñwáriní.

“Adamo eñípimi dání áamá xwiyíá meárinigiá nimóniro aí Jisaso eñípimi dání wé rónigiá imónigiáriní.” uriñí nánirini.

¹² Ayináni áamá wo mañí wiaíkiñípimi dání xwíá tíyo ñweagiáyí níni íwí epríá nání épeñirini. Áamá o íwí neriñípimi dání peñí eñagi nání áamá níni eni wigí íwí neriñípimi dání pearigiápi xímeaníriní. ¹³ Ñwí ikaxí eániñípi sini meñáná áamá íwí néra wagíá aiwi ñwí ikaxí “Api mepani. Api mepani.” riniñí bi sini meñí eñagi nání Gorixo wiwaniñiyí ayá udunipaxí eñípi íkwí winami niñwirára pweagiámani. ¹⁴ E neriñí aiwi nene niñá re imóniñwini. Áamá Adamo tñí e dání niñweaxa níbiro Moseso tñí e nání ñweagiáyí níni nipéa wagíáriní. Áamá níni Adamo —O áamá ríwíyo binío neaiiniápi nání diñí moani nání árixániñí neaiñorini. Áamá níni o wiaíkiñípa miwíákiipa nero aí níni nipéa wagíáriní.

¹⁵ E neri aí Gorixo wá nineawianiri anipá neaiñípimi dání imóniñwápi, ayí Adamo eñípimi dání imóniñwápi tñi xixeni menini. Ayí ripi nání searariñini. Áamá o wiaíkiñípimi dání áamá obaxí pegíá aiwi ripi nání añipaxí yaiwiñwini, “Gorixo áamáyo wá wianiri ámáo, Jisasi Kiraisoyi riniño ayá nurimixiri eñípimi dání wiiri eñípi Adamo eñípimi seáyí e nimúrori áamá obaxí ayá wíyo wímeaníriní.” yaiwiñwini. ¹⁶ Ripi nání eni diñí nimoranéná “Gorixo wá nineawianiri neaiñípimi dání imóniñwápi, ayí Adamo eñípimi dání imóniñwápi tñi xixeni menini.” yaiwianíwini. Adamo wiaíkiñí ná bimini dání áamá xwiyíá meárinigiáyí imónigiáriní. E neriñí aiwi Gorixo áamá ayá wí wiaíkiariñagiá niwinimáná ayí eni xixeni onípoyiniri miyaiwí wá niwianiri wiñípimi dání áamá obaxí wé róniñagiái ráriñiyí imónigiáriní. ¹⁷ Nioni seariápi, ayí ripi searariñini. Áamá wo Gorixomi mañíyo wiaíkiñípimi dání áamá níni pearigiá aiwi ripi imónaníwápi añipaxí imónini. Nene Gorixo wá ayá wí

nineawianiri wíniyí eni wigí onípoyiniri mé anipá “Wé rónigíáyínérini.” nearárinine Jisasi Kiraiso neaiñípimi dáni diñí niyimiñípi tñwaéne imónirane xío tñni nawíni seáyi e imónirane yaníwárinini. ¹⁸ Ayináni nene diñí ripi moanigini, “Ámá ná woni wiaíkiñípimi dáni ámá níni xwiyíá meárinipaxí imónigíáyí imónigíápa ámá ná woni niperi wé róniñí eñípimi dáni ámá níni ‘Xwiyíá mayíyírini.’ rináripaxí imónigíáyí imóniro diñí niyimiñípi tígíáyí imónipaxí imóniro egíárinini.” moanigini. ¹⁹ Ayí ripi searariñini. Ámá wo Gorixo “E érixini.” uriñípi wiaíkiñípimi dáni ámá obaxí íwí yarigíáyí imónigíápa ámá ná woni Gorixo “E érixini.” uriñípi aríá niwiri xixeni xídiñípimi dáni ámá obaxí “Wé róniñí imónigíáyínérini.” uráriníyíyí imónipíríárinini.

²⁰ Ámá re oyaiwípoyiniri, “Ai, bi onimiápi miwialkiariñwini. Aga ayá wí wiaíkiariñwini.” oyaiwípoyiniri Gorixo Mosesomi ñwí ikaxí niriniri eániñípi wéyo íá umiriñírini. E neri aí xío ámá ayá wí niwialkía ugíápi tñni xixeni wá niwiaga mú wiárí nimúrori niwiaga uñírini. ²¹ Ámá níni wigí íwí neriñípimi dáni pearigíápa níni eni Gorixo wá niwianiri “Wé róniñí imónigíáyínérini.” rárariniñípimi dáni diñí niyimiñípi —Api negí Áminá Jisasi Kiraiso eñípimi dáni neaímeaariñípirini. Api tígíáyí imónipíríá nání wigí niwialkía ugíápi tñni xixeni wá niwiaga mú wiárí nimúrori niwiaga uñírini.

**“Kiraiso tñni nawíni ikárininwaéne xío tñni perane
wiápinimearane eñwaénéniñí imóniñwini.” uriñí nánirini.**

6 ¹ Gorixo íwí ámá ayá wí niwialkía warigíápi tñni xixeni wá niwiaga úimiginiri yariñagi nání píoí raníwini? “ ‘Gorixo ámi bi tñni wá oneawianiniri ámi íwí bi tñni néra owaneyi.’ oraneyi.” riseaimónarini? ² Oweoi, aga wí e miripa oyaneyi. Sini íwí mepa oépoyiniri rixa piyíniñí imóniñwaéne arige nerane íwí néra waníwini? ³ Ripi nání seyíné sini majíá rimóniñoi? Nene Kiraisi Jisaso tñni ikárininwaéne imónani nání wayí nimearanénáyí, nene eni xío peñípániñí niperane xío tñni nawíni ikárinani nání wayí meañwárinini. ⁴ Ayináni negí wayí meañwápimi dáni Kiraiso tñni nawíni nikáriniríná xío niperi xwíáyo weyárininwaniñí nene eni niperane xwíá neaweyárininwaniñí imóniñwanigini. Kiraiso nipémáná xanoyá eñí eániñí múróniñí imóniñípi tñni ámi siñí neri wiápinimeañípa nene eni xámi íwí nání diñí sixí uyagwápi pñni niwíárinane siñí imiriñí mimóniñípi oxiraneyiniri wayí nimearanéná xwíá neaweyárininwaniñí imóniñwanigini. ⁵ Nene xío tñni nawíni nikárinirane nání xío peñípa nene eni peñwaénéniñí imóniñagwi nání ripi eni anjipaxí imónini. Xío wiápinimeañípa nene eni axípi wiápinimeañwárinini. ⁶ Nene niñíá re imóniñagwi nání e ripaxírini. Íwí nání sini áxeñwarí minípa yaníwá nání xámi diñí sixí uyagwápi sini muyipa érixiniri nene Jisaso tñni nikáriniri nání xíomi yoxáipámi

niyekwiroáriróná xámi íwí náni diŋí sixí uyagwápi eni yoxáípámíniŋí yekwiróniŋinigini. ⁷Ayí ámá rixa péfáyí sini íwí náni áxeŋwarí miní gwíniŋí wíkweawáriá eŋagi náni rariŋini. ⁸Kiraiso péaná nene eníniŋí peŋwá eŋagi náni diŋí niwikwírorane ripi eni yaiwiŋwini, “O tñi nawíni diŋí niyimíŋí imóniŋípi tíŋwaéne imónaníwáriŋi.” yaiwiŋwini. ⁹Ayí níjía ripi imóniŋagwi náni e yaiwiŋwini. Kiraiso nipémáná xwáripáyo dání niwiápínimeari náni ámi bi peníamani. Piyí ámá pearigiápimi sini aría wiaxídiŋiá náni mimónini. ¹⁰Ayí ripi nánirini. O niperíná ná wínáni íwí ámá yarigiápi náni peŋinigini. E neri aí rixa niwiápínimeari siŋí nimóniri niŋwearíná Gorixomi wé íkwiaŋwíyo ouŋwiráriminiri náni ŋweani. ¹¹Ayináni seyíne eni “Nene rixa peŋwaéneŋiŋí imóniŋwaéne íwí náni sini áxeŋwarí miní eŋwaéneriani?” yaiwiniro “Kiraisi Jisaso tñi nawíni ikáriníŋwápimi dání Gorixomi wé íkwiaŋwíyo uŋwiráraní náni siŋí imóniŋwaéneriani?” yaiwiniro éfrixini.

¹²Ayináni “Negí wará nipepaxí imóniŋírí íwí náni miŋí inariŋwápi sini yani náni áxeŋwarí xe nineaiga ouni.” miyaiwipani. ¹³Segí sikwírani, wéraní, íwí náni feapá seaináná “Ayí api náni ría imónini?” niyaiwimáná “Api tñi xe íwí oemini.” niyaiwiri sipí mepani. Ámá nipémáná ámi siŋíniŋí imónigiáiyíne, sewaniŋíyíne aniŋí Gorixoyá oimónaneyiniro mini winípoi. Segí wéraní, sikwírani, api tñi Gorixo náni wé róniŋí imóniŋípiŋi oyaneyiniro eni omi miníniŋí winípoi. ¹⁴Seyíne Gorixoyá siŋwíyo dání ámá wé róniŋí imónipíría náni ŋwí ikaxí niriniri eániŋípi íá miseaxeŋwiráriní Gorixo ayá nisearamixiri arirá seaiariŋagi náni íwí náni feapá seainariŋípiŋi aría wiaxídiŋipíría náni mimónipa éfrixini.

“Wé róniŋípi yani náni áxeŋwarí iníŋwaénerini.” uriŋí nánirini.

¹⁵Ayináni píoí raniréwini? “Ŋwí ikaxí niriniri eániŋípi míneaxeŋwiráriní rixa Gorixo ayá ninearimixiri arirá neaiariŋagi náni anani íwí néra owaneyi.” raniréwini? Oweoi, aga wí e ripaxí menini. ¹⁶Seyíne bikirainí warigiáwa yarigiápi náni re miyaiwipa reŋoi, “‘Míraxwí o nimeni náni oyá xináíniŋiŋí nimóniri omiŋí owiimini.’ niyaiwiri e nimónirínáyí, o pí pí uríŋpimi aría wiaxídiŋiá náni xegí xináíniŋí imóniŋorini.” miyaiwipa reŋoi? Bikirainí warigiáwa yarigiápa seyíne eni axípi imóniŋoi. “Íwí náni feapá neainariŋípi yani náni rimóniŋwini?” niyaiwiro apini íá nixirirónáyí, xináíwayíneŋiŋí nimóniŋoi apí néra núfasáná aníniŋírírini. E mepa nero “Gorixo wimónariŋípi yani náni rimóniŋwini?” niyaiwiro íá nixirirónáyí, xináíwayíneŋiŋí nimóniŋoi xixeni aría yímiŋí néra núfasáná wé róniŋí imónipírírini. ¹⁷⁻¹⁸E niseariŋi aiwi seyíne xámi íwí yaniro náni xináíwayíneŋiŋí nimóniŋoi áxeŋwarí niniro aiwi agwi sini e miyariŋoi. Rixa xwiýíá searéwapiyaríná aría niwiro xirigiápi xixeni oxídaneyiniro yariŋoi. Seyíne íwí náni feapá seainariŋí áxeŋwarí niniro gwíniŋí seayinagiŋi rixa seaíkweawáriŋí

ɛɔɔɔɔ nání wé róníɔɔ ímóníɔɔɔɔ ɛpíríá nání apimi xináíwayínéniɔɔ ímóníɔɔɔɔrini. Ayináni Gorixomi yayí wiariɔɔɔɔ. ¹⁹Ámaéne xwiyíá aríá niwiranéná aɔɔɔni “Ayí api nání ríá rarini?” miyaiwí yariɔɔɔwaéne ɛɔɔɔɔ nání nioni diɔɔɔ re yaiwiɔɔɔɔni, “Xegí riniɔɔɔɔɔɔ tɔɔni niriɔɔɔríná apaxí mé niɔɔɔɔá mimónipa ɛpaxí ɛɔɔɔɔ nání sa ámaéne yariɔɔɔwápi tɔɔni nikumixiri ourimini.” niyaiwiri searariɔɔɔɔni. Xámi seyíne segí wé nánirani, sikwí nánirani, “Ayí api tɔɔni íwí nání ríá ímóníɔɔɔɔni?” niyaiwiro xe api tɔɔni nipikwini mimóníɔɔɔɔɔɔ ɛro ríá kiroro oyaneyiniri neróná rikikirió ámi bi tɔɔni bi tɔɔni yagíápa agwi ríná re érixini. Segí wé nánirani, sikwí nánirani, “Ayí api tɔɔni wé róníɔɔɔɔ ímóníɔɔɔɔɔɔ ɛmi nání ríá ímóníɔɔɔɔni?” niyaiwiro api yani nání áxerwarí oinaneyiniro érixini. E neríɔɔɔɔpimi dáni siyikwí múnigíáyíne ímóníɔɔɔɔrini. ²⁰Ayí ripi nání searariɔɔɔɔni. Xámi seyíne íwí yaniro nání xináíwayínéniɔɔ niimóniro áxerwarí niniróná wé róníɔɔɔɔ ímóníɔɔɔɔɔɔ nání érixiniri miseaxerwirárinini. ²¹Segí íwí xámi yagíápi nání “Píni yagwárfani?” niyaiwiro ayá seainariɔɔɔɔɔɔ pí naní seaiiagírini? Ámá apimi dáni sa aníniɔɔɔríríá ɛɔɔɔɔ nání naní bi seaiiagímani. ²²E neri aí seyíne íwí ɛpíríá nání íeapá seainagípimi dáni rixa gwíniɔɔɔ seáíkwewáriɔɔɔɔɔɔni nimónimáná Gorixo wimónariɔɔɔɔɔɔ ɛpíríá nání xináíwayínéniɔɔ niimóniro yariɔɔɔɔɔɔ nání naní ripi seaiiariɔɔɔ. Siyikwí bi múnigíáyíne seaimixiri diɔɔɔ niyimiɔɔɔɔɔɔ tígíáyíne ímóníɔɔɔɔrini seaimixiri yarini. ²³Ayí ripi searariɔɔɔɔni. Ámá nigwí omiɔɔɔ neróná wigí éíápi nání nigwí meaarigíápa ámá íwí éíápi dáni aníniɔɔɔríríá. E neri aiwí Gorixo xixe nání muniapí anipá neaiapariɔɔɔɔɔɔ —Api diɔɔɔ niyimiɔɔɔ ímóníɔɔɔɔrini. Api negí Áminá Jisasi Kiraiso tɔɔni nawíni ikárinigíáwaéne neaiapariɔɔɔrini.

“Peɔɔwaénéniɔɔ ímóníɔɔɔwaéne ɔɔwí ikaxí éániɔɔɔɔɔɔ sini íániɔɔɔ mineaxerwirárinini.” uriɔɔɔ nánirini.

7 ¹Gí niriɔɔɔimeáyíne, ámá mipé sini siɔɔɔ niɔɔɔweariná ɔɔwí ikaxí riniɔɔɔɔpimi xidípiɔɔríá nání uxeɔɔwirárininiɔɔɔɔ nání sini majíá rimóniɔɔɔ? ɔɔwí ikaxí riniɔɔɔɔɔɔ nání niɔɔɔá ímónigíáyíne ɛɔɔɔɔ nání rariɔɔɔni. ²Ewayí ikaxí ripi nání diɔɔɔ niimoranéná nioni searariɔɔɔɔɔɔ anani diɔɔɔ mopaxírini. Apixí oxí niimeániríná ɔɔwí ikaxí “Oxí niimeániríná o tɔɔni aniɔɔɔ kumixiniríni.” riniɔɔɔɔpimi dáni oxo sini ɔɔweanáná o tɔɔni nawíni ɔɔweanía nání íániɔɔɔ xerwirárinini. E neri aí oxo niiperínáyí, ɔɔwí ikaxí ími xegí oxo nání íániɔɔɔ xerwirárininiɔɔɔpimi rixa rakiowárinini. ³Ayináni íyá oxo mipé sini siɔɔɔ ɔɔweanáná omi píni niwiárimini nuri womi meánáná “Ámá o oyá apixírini.” ripíríá. E neri aí íyá oxo péánáyí, ɔɔwí ikaxí o nání íániɔɔɔ xerwirárininiɔɔpimi rixa rakiowárinini ɛɔɔɔɔ nání í nuri womi meániagi aí “Ámá o oyá apixírini.” ripíríámani.

⁴Ayináni gí niriɔɔɔimeáyíne, ámá pegíáyí pí pí ɔɔwí ikaxí riniɔɔɔɔɔɔ sini íániɔɔɔ miɔɔxerwirárinigíápa seyíne eni Kiraiso tɔɔni nawíni ikárinigíáyíne,

xío peŋjípimi dáni rixa pegiá eŋagi náni sini ŋwí ikaxí eániŋjípimi dáni wé róniŋjí oimónaneyiniro xídipíríá náni fáníŋjí miseaxeŋwirárini. Seyiné eni áamá wo tíni —O nipémáná ámi siŋjí neri wiápínimeañorini. Seyiné eni áamá o tíni nawíni nikumixiniro Gorixo náni neróná íkiá sogwí naŋjí wearíŋjína yapi imóníírixiniri ŋwí ikaxí niriniri eániŋjipi sini fáníŋjí miseaxeŋwirárini. ⁵ Ayí ripi nánirini. Nene sini Jisasomi diŋjí miwikwíró áamá wigí diŋjíyo nixídíróná yarigiápa neranéná íwí náni feapá neainariŋjipi ŋwí ikaxí eániŋjípimi dáni siwániŋjí neapiomeaagírini. E yagi eŋagi náni anínaníwá náni íkiá sogwí sipí wearíŋjína yapi yagwárini. ⁶ E neri aí rixa peŋwaénéniŋjí nimónirane náni ŋwí ikaxí eániŋjí xámi fáníŋjí neaxeŋwiráriniŋjípimi dáni gwíniŋjí neáfkwewárinijenerini. Ayináni agwí nene Gorixomi nuxídíránéná xámi ŋwí ikaxí ríwamiŋjí eagíapimíni siŋwí niwinaxídírane yagwápimi mé ámi siŋjí bi, xíoyá kwíyí neafwapiyariŋjípimi nixídiri yariŋwini.

**“Ŋwí ikaxí niriniri eániŋjipi íwí náni siwá
neapiomeaariŋjírini.” uríŋjí nánirini.**

⁷ Ayináni píoi raniréwini? “Ŋwí ikaxí eániŋjipi sipírini.” raniréwini? Oweoi, wí e ripaxí menini. Niiwaníŋjoni ŋwí ikaxí eániŋjipi íá miropa neri siŋwiriyí, arige neri “E neríná ayí íwí ría yariŋjini?” yaiwiminiri eŋárini? Ŋwí ikaxí “Amípí wayá siŋwí íwí miwinípa eríni.” riniŋjipi meánípa neri siŋwiriyí, nioni arige api náni nijjá nimóniri “Siŋwí íwí niwiníríná ayí íwí ría yariŋjini?” yaiwiminiri eŋárini? ⁸ Íwí náni feapá ninariŋjipi ŋwí ikaxí “Siŋwí íwí miwinípa eríni.” riniŋjípimi dáni anani amípí xixegáni siŋwí íwí owininiri náni siwá nipiomeañírini. Siŋwí íwí winimíá náni api api siwániŋjí nipiomeáagi api e eŋárini. Ŋwí ikaxí “E mepani. E mepani.” riniŋjipi mirinípa neri siŋwiriyí, íwí náni feapá neainariŋjipi siwá wí mineapiomeapaxí imóniminiri eŋj meŋagi náni searariŋjini. ⁹ Eŋíná nioni ŋwí ikaxí eániŋjipi náni majjá nimóniríná “Anani naŋonirini.” niyaiwiniri maiwí ŋweaagárini. Íná íwí náni feapá ninariŋjipi ninimeámi sáníŋjí nimewéagi aiwi nioni ŋwí ikaxí eániŋjipi náni rixa nijjá nimónirínáyí, íwí náni feapá ninariŋjipi saiwiáriniŋjí niŋjírini. E níagi náni nioni “Íwí yariŋáoníríani?” niyaiwiniri “Gorixoyá siŋwíyo dáni aníníimiginiri yariŋáoníríani?” yaiwiníŋjanigini. ¹⁰ “Ŋwí ikaxí eániŋjipi nioni nixídíríná diŋjí niyimiŋjí imónimíá náni imóniŋjipíríani?” xámi diŋjí e niyaiwiri aí pírániŋjí nijjá nimóniríná api siwá réniŋjí niŋjírini, “Joxi diŋjí niyimiŋjí imóniŋjoximani. Naníniríárini.” Siwá éniŋjí niŋjírini. ¹¹ Íwí náni feapá ninariŋjipi ŋwí ikaxí eániŋjípimi dáni siwá ninipiomearíná yapi niníwapiyiri náninimíá náni niŋjí eŋagi náni rariŋjini. ¹² Ayináni re niyaiwirane nijjá imóniŋwini, “Ŋwí ikaxí eániŋjipi Gorixo tíámíni imóniŋjagi náni awiaxí imóniŋjipírini. Ŋwí ikaxí eániŋjípimi dáni sekaxí riniŋjíyí nání awiaxí imónini. Wé róniŋjí imóniŋjipi náni riniri naŋjí

imóniņipi náni riniri yariņiyírini.” E niyaiwirane niǰǰá imóniņwini. ¹³ Ayináni “Naņǰ imóniņǰ api nioni anínimía náni nimixiņírini.” riminiréini? Oweoi, wí e ripaxí mimónini. Gorixo nioni ripiaú yaiwíwiniginiri íwí náni íeapá ninariņǰipi xe íwí enía náni wíwapiyiri anínimía náni wimixiri oeniri siņwí naniņiginini, “Íwí náni íeapá ninariņǰipi re eņǰírani? Iņwí ikaxípimi dáni —Api naņǰ imóniņǰipirini. Apimi dáni anínimía náni nimiximiniri eņǰírani?” yaiwiri “Iņwí ikaxí riniņǰipimi dáni siwá nipiomeariņagi náni íwí ayí aga xwiríá ninipaxí imóniņǰipirani?” eni yaiwiri éwiniginiri íwí náni íeapá ninariņǰipi xe íwí enía náni wíwapiyiri anínimía náni wimixiri oeniri siņwí naniņiginini.

**“Íwí náni íeapá neainariņǰipi áxeņwaríniņǰ
neaiárariņǰirini.” uriņǰ nánirini.**

¹⁴ Nene niǰǰárini. Iņwí ikaxí eániņǰipimi dáni kwíyí Gorixoyápi xío wimónariņǰipi náni siwá neaiariņagi aí íwí náni áxeņwarí nináriniņoni eņagi náni nioni gí nimónariņǰipimi xídariņárini. ¹⁵ Ayí ripi searariņini, “Nioni yariņǰipi náni ududí ninarini. ‘Api oemini.’ nimónariņǰipi mé sipípi, xwiríá ninariņǰipi aí yariņárini.” searariņini. ¹⁶ Nioni “Sipí api mepa oemini.” nimónariņǰipi nerfnáyí, ayí “Iņwí ikaxí riniņǰipi naņǰ imónini.” riniņǰipi tñi xixeníniņǰ niriiri woákíki yariņini. ¹⁷ Ayináni “Nioni sipí api oemini.” nimóniņagi náni e yariņámani. Íwí íeapá ninariņǰ gí xwioxíyo niroņǰipimi dáni nináná sipí e yariņárini. ¹⁸ Nioni “Naņǰ imóniņǰipi oemini.” ninimóniri aiwi wí mepa neri náni diņǰ re niyaiwiri niǰǰá imóniņini, “Gí xwioxíyo —Nioni gí diņǰíyo dáni ninimóniri xídariņǰipi náni rariņini. Gí xwioxíyo niþikwini mimóniņǰipini ría nínini?” niyaiwiri niǰǰá imóniņini. ¹⁹ Ayí apirini. “Naņǰ imóniņǰipi oemini.” nimónariņǰipi mepa neri sipí “Mepa oemini.” nimónariņǰipi yariņárini. ²⁰ Nioni “Sipí mepa oemini.” nimónariņǰipi yariņǰ eņagi náni ayí niíwaniniņoni “Sipí api oemini.” nimóniņagi náni e yariņámani. Íwí íeapá ninariņǰ gí xwioxíyo níniņǰipimi dáni yariņárini.

²¹ Ayináni nioni íníná yariņǰipimi dáni siņwí re animeáníini. “Naņǰ oemini.” nimónariņoni sipí náni íeapá ninariņǰ gí xwioxíyo níniņǰipi píri nirakiariņirini. ²² Gí diņǰ tñi iņwí ikaxí Gorixo riņǰipi náni diņǰ nimoríná “Ayí naņǰirini.” niyaiwiri yayí ninariņagi aiwi ²³ gí xwioxíyo níniņǰipimi dáni niariņǰipi xegí bi imóniņagi animeániņini. Gí xwioxíyo niþikwini mimóniņǰ níniņǰipi, ayí iņwí ikaxí Gorixoyá gí diņǰ tñi “Api naņǰ ría rinini?” yaiwiariņǰipi tñi apiaú mixíniņǰ inariņi. Api níniņǰipi íwí náni íeapá ninariņǰipi náni gwíniņǰ niǰǰárinari. ²⁴ Ai, nioni e imóniņáoni eņagi náni íkíniņǰ sipí nimixárinini. Wará anínimía náni imóniņǰirí tǰǰáoni íwí náni íeapá ninariņǰ gwíniņǰ járiiniņǰipi go níkweawáripaxí imónini? ²⁵ Ai, negí Áminá Jisasi Kiraiso neaiiņǰipimi dáni Gorixo neaíkweawáripaxí imóniņagi náni omi yayí owianeyi. Ayináni nioni nira úapi, ayí ripi

searariḡini, “Nioni ḡi diḡi tḡni ‘ገwí ikaxí Gorixo riḡipi oxídimini.’ ninimóniri aiwi íwí náni íeapá ninariḡi náni ḡwíniḡi járiḡipiḡimi — Api nipikwini mimóniḡi ḡi xwioxíyo níniḡipirini. Apimi xídarariḡáriní.” searariḡini.

“Gorixo wimónariḡipiḡimi xídaníwá náni oyá kwíyípi neaiariḡipirini.” uriḡi nánirini.

8 ¹Ayináni Kiraisi Jisaso tḡni ikárininḡwaéne omi diḡi wikwíróaná “Wé róniḡiáyirini.” riniḡipi tḡni xixeni nimónirane náni sini xwiýiá bi neameáripaxí mimóninḡwini. ²Gorixoyá kwíyípi —Api Kiraisi Jisaso tḡni ikárininḡwaéne diḡi niyimiḡi tḡḡwaéne imónani náni neaimixariḡipirini. Api diḡi neaxixéroariḡipiḡimi dáni íwí náni íeapá neainariḡi nene neaanḡimixariḡipi neafkweawáriḡi eḡagi náni “Sini xwiýiá neameáripaxí mimóninḡwini.” searariḡini. ³ገwí ikaxí eániḡipi tḡni xixeni oxídaneyinirfná nipikwini mimóniḡi xwioxíyo neafniḡipiḡimi dáni eḡi mineaeánariḡagi náni nene mepaxí imóninḡwápi, ayí Gorixo neaiiḡirini. Xegí xewaxo —O wará íwí náni íeapá neainariḡene iniḡwápa axípi iniḡorini. O negí íwí yariḡwápi yokwarimí neaiini náni Gorixo ridiyowániḡi oeniri niwírenapirfná íeapá neainariḡipi náni ḡwíniḡi neajáriḡipiḡimi xwiýiá umeáriḡirini. ⁴Agwí nene nipikwini mimóniḡi negí xwioxíyo neafniḡipiḡimi níxídirinḡipiḡimi dáni mariái, xegí kwíyípi e éfrixiniri e éfrixiniri siwá neaiariḡipiḡimi níxídirinḡipiḡimi dáni ḡwí ikaxí Gorixo xío riḡipi tḡni xixeni xídani náni íeapá náni ḡwíniḡi neajáriḡipiḡimi xwiýiá umeáriḡirini.

⁵Ámá nipikwini mimóniḡi wíḡi xwioxíyo íniḡipiḡimi xídarigiáyí apini símí e tinarigiárini. Ámá Gorixoyá kwíyípi siwá wiariḡipiḡimi xídarigiáyí eni api símí e tinarigiárini. ⁶Ámá nipikwini mimóniḡi wíḡi xwioxíyo íniḡipi símí e tinarigiáyí nanínipíría aiwi ámá Gorixoyá kwíyípi siwá wiariḡipi símí e tinarigiáyí diḡi niyimiḡi tḡiáyí imóniro niwayiróniro ḡwearo epírírini. ⁷Ayí ripi nánirini. Ámá nipikwini mimóniḡi xwioxíyo íniḡipi símí e nḡiniri yariḡiáyí “ገwí ikaxí Gorixoyápi xídipaxeneráni?” miyaiwí nero náni omi símí tḡni niwiro yariḡiáyirini. E yariḡiáyí ḡwí ikaxí Gorixoyá wí epaxí mimóniḡiáyirini. ⁸Nipikwini mimóniḡi xwioxíyo íniḡipi yani náni imóniḡiáyí Gorixo yayí wininía náni eni wí epaxí menini.

⁹Nipikwini mimóniḡi xwioxíyo íniḡipiḡimi xídarigiáyí e nimóniro aí seyíne axípi ḡwíniḡi misejárini Gorixoyá kwíyípi api éfrixiniri api éfrixiniri siwá seaiariḡipiḡimi xídarigiáyínérini. Kwíyí Gorixoyá nepa segí xwioxíyo searonánáyí, e imóniḡiáyínérini. Ámá go gomi Kiraisoyá kwíyípi miḡonánáyí, ayí oyáo mimóninḡagi náni searariḡini. ¹⁰Kiraiso xegí kwíyípiḡimi dáni segí xwioxíyo searonánáyí, íwí eḡápi náni segí wará nipepíría náni rixa imóninḡagi aí Gorixo “Wé róniḡiáyirini.” rixa

rárinjé enjagi náni segí diñjipi rixa niyiminjé imónini. ¹¹ Kwíyí Gorixoyápi —Api Jisaso xwáripáyo dáni wiápínimeanjiþirini. Api segí xwioxíyo searonánáyí, Kiraisi Jisaso, piyí éaná ámi siñjé wimixiño seyíne eni segí warápi —Api urí epaxí imóniñjipi. Segí warápi xegí kwíyí seyíne searonjipimi dáni siñjé seaimixiníþarini.

“Kwíyí Gorixoyápi xíoyá niaíwí imónani náni neaimixiñjirini.” urinjé nánirini.

¹² Ayináni gí nixímeáyíne, ripi osearimini, “Gorixo nañjé bi rixa e neaiiri bi sini neaiiri eníá enjagi náni nene nipikwini mimóninjé negí xwioxíyo ínñjipimi xídani náni sini íáñinjé míneaxenwiráriní rixa xegí kwíyípi siwá neainariñjipimi xídani náni íáñinjé neaxenwirárinini.” osearimini. ¹³ Ayí ripi náni searariñjini. Seyíne nipikwini mimóninjé ínñjipimi nixídirónáyí, naníñjiríþarini. E neri aí Gorixoyá kwíyípi seaíwapiyaríñjipimi nixídirinjíyo dáni íwí náni íeapá seainariñjipi pikímoarigíþániñjé nerínáyí, diñjé niyiminjé tígíáyíne imónipíþarini. ¹⁴ Ámá Gorixoyá kwíyípi xe nineaipemeámi úwiniginiri xixeni xídarigíáyí, ayí Gorixoyá niaíwíniñjé imóniñoi. ¹⁵ Ayí ripi nánirini. Kwíyí Gorixo sixí seamímonjipi, ayí ámi xíomi wáyí owípoyiniri gwí omíñjé yarigíáyínéniñjé imónipíri náni seaimixiñjimani. Oweoi, kwíyí o neaiapiñjipi niaíwí xíoyá piaxí mearinjé wíniñjé oimónipoyiniri seaimixiñjirini. E neaimixiñjipimi dáni Gorixomi “Ápoxini, Raráoxini.” urariñjwárinini. ¹⁶ Nene negí diñjé nimorane “Niaíwí Gorixoyaéneríani?” niyaiwiniranéná oyá kwíyí xamiñjipi sopinjé neawariñjirini. ¹⁷ Nene niaíwí Gorixoyaéne enjagwí náni o mini neaiapimíániri tiñjipi meaníwárinini. Api nimearanéná Kiraiso tíni nawíni meaníwárinini. Ríniñjé o meanjipa agwí ríná nene eni xe oneaímeáwináyí, ríwéná o tíni neaiapimíániri tiñjipi nimearanéná o tíni nawíni níkinirane seáyi e imónaníwárinini.

“Ríwéná Gorixo tíni niñwearane seáyi e imónaníwárinini.” urinjé nánirini.

¹⁸ Nioni anjínami dáni seáyi e imóninjé nene neaímeaníþapi náni diñjé nimoríná diñjé re yaiwariñjirini, “Api aga seáyi e imóninjé enjagi náni ríniñjé agwí ríná nímeaariñjipi, ayí sipíþiaríani?” niyaiwiri paimimí wariñjirini. ¹⁹ Amipí Gorixo xwíá tíyo nimixiri tiñjé íkíáranini, nañwíranini, ámaranini, nipini xegí niaíwí imónigíáyí piaumimí wininíþapi náni símí nixeadíþéniro weninjé nero ñweañoi. ²⁰⁻²¹ Ayí ripi náni e neri ñweañoi. Amipí o imixiñjipi Adamo íwí épéaná urí néra úwiniginiri ramixiñjíyí aninjé miramixárinipa eri seáyi e imóninjé niaíwí Gorixoyaéne gwíniñjé neaíkweaawáraná imónaníwápi tíni axípi imóniri éwiniginiri ramixárinjirini. Amipí xí o imixiñjipi xegípi ramixárinjímáni. Ríwéná ámi pírániñjé imixíimiginiri Gorixo ramixárinjirini. ²² Nene nijíþarini.

Apixí niaíwí xirimini náni “yeyi” riri ríniñí winiri yariñípa amipí níni Gorixo imixiñíyí eni ámi miramixáriníñí imónimíániri náni axípíniñí “yeyi” riri ríniñí winiri yariñírini. ²³“Yeyi” riri ríniñí winiri yariñípi, ayí apini maríái, ámaéne Gorixoyá kwíyípi —Api amipí ná ríwíyo neaiapimíániri niwákwíníniñí neaiapiñípirini. Api tíñwaéne eni Gorixo negí warápi siñí inani náni nearoayírorí xío xegí piaxí neameni náni neaimixiri enííná náni “yeyi” nirirane xwayí nanirane ñweañwini. ²⁴Gorixo yeáyí neayimixemeáagi náni amipí nañí xío neaiiníápi náni diñí niwikwímori ñweañwini. E neri aí amipí nene diñí niwikwímóa waríñwápi rixa níneaímeari siñwiriyí, sini api oneámeaniri diñí wikwímopaxí menini. Ámá diñí wikwímóarigíápi rixa wímeááná sini api náni diñí miwikwímopa yariñagía nani rariñini. ²⁵E neri aí nene “Gorixo seáyí e imóniñí api neaimixiniáriní.” yaiwariñwápi sini míneaímeapa eñáná diñí niwikwímoranénáyí, símí nixeadípénirane gíni gíná neámeanirífeniñoiniri aniñí miní xwayí naniri ñweaariñwáriní.

²⁶Negí diñí wikwímóariñwápi dáni diñí sixí ínariñwápa Gorixoyá kwíyípi eni omi diñí owikwíroaneyiniri neríná eñí meániñwaéne arirá neaiariñírini. Omi rixiñí nuriranéná “Api urípaxíríani?” miyaiwí majíá yariñagwi aí kwíyí xamiñípi xwiyíá tñi muripaxí imóniñí ararixí niríríná apaxípániñí nimóniri neauriyariñírini. ²⁷Neauriyaríná Gorixo —O anani ámayá xwioxíyo adadí niwiri pí pí diñí moarigíápi náni nijíá imónariñorini. O xegí kwíyípi xíoyá ámaéne náni níneauriyíríná gí ámayí e imónífrixiniri wimónariñípi níneauriyariñagi náni pí pí urariñípi náni anani nijíá imónini. ²⁸Nene nijíá re imóniñwini. Amipí níni Gorixomi diñí sixí uyariñíyáyo wímeaariñípi nañí imóniñípirani, sipí imóniñípirani, oyá diñí tñi nañí wimixiñá náni wímeaariñírini. Ámá xíoyá imónífrixiniri yaiwiáragípi tñi xixeni imónífrixiniri wéyo íá umiriñíyo e wiariñírini. ²⁹Ayí ripi nánirini. Ámá amipí níni sini mimóniñáná xío yeáyí uyimixemeañá náni xámi nijíá imóniñíyí xewaxo imóniñípa ayí eni axípi nimóniríná Kiraiso xiráóniñí imóniri xogweá obaxiñiñí tíño imóniri eníá náni repeáriñírini. ³⁰Repeáriñíyo apini niwiri píni miwiárí ámá xíoyá imónífrixiniri wéyo íá umiriñírini. Wéyo íá umiriñíyo apini niwiri píni miwiárí “Gí íwo upeiñípimi dáni diñí wikwíroariñagía náni wé róniñí imóniñíyírini.” ráriñírini. E ráriñíyo apini niwiri píni miwiárí seáyí e xío imóniñípa ayí eni axípi imóniñírá náni wimixiñírini.

“Diñí sipí Gorixo nene náni neaiariñípi wí píri rakipaxí mimónini.” uríni nánirini.

³¹Gorixo api api e neaiñí eñagi náni píoi raniréwini? O nene tñi nawíni imóniñagwi náni go símí tñi neaipaxí imónini? Oweoi, wí e mimónini. ³²O xegí xewaxomi kíyí mímiaúni nene náni xe opikípoyiniri uowárénapíñí eñagi náni nene re miyaiwipaxí reñwini, “O ayí eni xixe

oniípoyiniri miyaiwí xíoyá xewaxo anipá wírenapíagi náni amipí xíomi píráníjé xídipaxí imónani náni imóníjépi eni anani neaiapiníárini.” miyaiwipaxí renjwini? ³³Gorixo íá yiyamiximí neaijene go xwiyíá neaxekwímopaxí imónini? Oweoi, wí e mimónini. Nene náni “Wé róníjé imónigíáyírini.” rárijo, sa Gorixo enagi náni ³⁴ámá go negí íwí enjwápi náni xwiyíá neameáripaxí imónini? Oweoi, ayí ripi náni wí e mimónini. Jisasi Kiraiso —O nene náni pejorini. Apini mé ámi niwiápínimeari xano tíni xixeni nimóniri xegí wé náumini njewanorini. E nijwearíná apaxípáníjé nimóniri rixíjé neauriyarijorini. O apaxípáníjé nimóniri rixíjé neauriyarijagi náni ámá xwiyíá neameáripaxí wo menini. ³⁵Kiraiso nene náni dijé sipí niwiri neaijépi pí píri rakipaxí imónini? Xeaníjé neaímeánárani, rímewá nineairínárani, ámá wí xwiraimimí neaikixéánárani, aiwá náni díwí nikeamóniranénárani, íkwauyixí nimóniranénárani, ámá wí miyíó rárfáyo nene nuríkwínirínárani, kirá tíni rirómí neairínárani, api nipini nineáfmeari aiwí Kiraiso dijé sipí niwiri neaijépi wí píri rakipaxí mimónini. ³⁶Nioni seararijépi Bikwíyo niriniri eáníjé ripi tíni xixeni imónini, “Nene Gorixoxiniyaéne imónijagwi náni íníná pipikímí neaianiro yarijéárini. ‘Nanjé nipikianíwá náni ría imónini?’ niyaiwiro pikiarigíápa neaiapikiarigíárini.” Niriniri eáníjé api nioni seararijépi tíni xixeni imónini. ³⁷Api nipini neáfmearijagi aiwí negí dijé sixí neayinjomi dání xopiráríni níwiranéná migí niwimixirane xopirári wiarinjwárinini. ³⁸Nioni ripi aga nipimónini, “Nene niperínárani, sini xwíá tíyo nijwearínárani, anínanjírani, imíórani, amipí agwi ríná imóníjépirani, amipí ríwéná imóniníápirani, anjé pírfyo dánjé enjé eáníjé imónigíáyírani, ³⁹anjénanjé tínjímíni imóníjépirani, xwánanjé tínjímíni imóníjépirani, ai amipí níni Gorixo imixinjéyí wí dijé sipí o nene náni neaiarijépi —Api Áminá Jisasi Kiraiso neaijépipimi dání siwá neaijépirini. Api wí píri rakipaxí menini.” nipimónini.

**“Gí Judayí obaxí Jisasomi ríwí umogíá enagi náni
gí dijé ría nixearini.” urinjé nánirini.**

9 ¹Nioni Kiraiso tíni ikáriníjéoni enagi náni agwi nioni searimípi nepa searimíni. Gorixoyá kwíyípi neaíwapiyarijépipimi nixidíríná dijé niyaikirori “Ayí ananíríani? Sipíríani?” niyaiwiri pikínarijépi nioni yapí miseararijagi náni sopinjé niwarini. ²“Gí Isireriyí Jisasomi ríwí numero ‘Yeáyí neayimixemeanía náni uowárenapínio, ayí omani.’ yaiwarijagía náni íníná nioni dijé ría nixeri íkíníjé nuyiminiri eri niarini.” seararijéni. ³Gorixo Poroni sini Kiraiso tíni nawíni mikárinípa oeniri peá ninimori emi nimoarijépipimi dání nioni gí nixixímeáyí —Ayí gí ámá gwí axírí imónigíáyí náni rarijéni. Ayí Kiraisomi dijé wíkwíropírí náni arirá wipaxí enánáyí, “Xe peá onimoni.” nimónipaxírini. ⁴Ayí gí

Isireriyí náni rariñini. Gorixo xegí piaxí meñí wimixiñyíri. Moseso tñi áamá ñiñí meañí e nemeríná Gorixoyá apákíkí inariñipi siñwí winagiáyirini. Gorixo “E niseaimíárini.” réroariñipi aría wiagiáyirini. Ñwí ikaxí Moseso eañipi meagiáyirini. Omi yayí wianiro náni epaxí imóniñipi náni ñijá imónigiáyirini. Símiñañiño dání Gorixo “E niseaimíárini.” uriñyíri. ⁵ Xiáwo íriñí xámi imónigiáwa, ayí ayíyári. Ayíyá xiáwíño dání yeáyí neayimixemeanía náni imóniño áamá imóniñirini. Amipí ñiyoni seáyí e wimóniño, ayí orini. O Gorixo, anijí íñiná nene yayí umepaxí imóniñorini. “E éwanigini.” nimónarini.

Áamá Gorixo íá yamixáriñyí náni uriñipi nánirini.

⁶ Gí Judayí nápi Jisasomi ríwí umogíá eñagi aí “Xwiyía Gorixo ayo ‘E niseaimíárini.’ uriñipi pisí weárini.” ripaxímani. Ayí ripi nánirini. Negí arío Jekopoyá íwiárfawéyí níni omi dání nemeága nuro náni Isireriyí aiwí wí Gorixoyá mimóniñagía náni níni nepa Isireriyí imónigiámami. ⁷ Ebiríamoyá íwiárfawéyí níni eni xíoyá eñagi aí níni Gorixoyá niafwiñijí imónigiámami. Oweoi, eñíná Gorixo Ebiríamomi re uriñinigini, “Dixí ráríawé nepaxiñí imónigiáyí segí niafwi wami dání maríái, Aisakomi dánini nemeága upíríárini.” uriñinigini. ⁸ Ayí ripi náni searariñini. Gorixo niafwi Ebiríamo emeañyí níni náni “Ayí niafwi nepaxiñí imónigiáyírani?” miyaiwí sa niafwi xío Ebiríamomi símiñañiño dání xwiyía uriñipimi dání emeañyí náni “Ayí nepaxiñí imónigiáyírani?” niyaiwiri riñirini. ⁹ Ebiríamomi símiñañiño dání re uriñí eñagi náni, “Xwiogwí wíomi rínániñí imónáná Seraí niafwi wo rixa xiriñáná ámi bimíárini.” uriñí eñagi náni rariñini. ¹⁰ “Gorixo apini eñí eñagi náni searariñini.” maríái, Rebekaí áamá ná woni, negí arío Aisakoyá niafwi ayái agwí eñáná eñipimi dání eni axípi siwá réniñí neaiarini. Áamá nepa xíoyá imónigiáyí áamá emeánariñiñipi dání imónariñiámami. ¹¹ Niafwi ayái Iso tñi Jekopo tñi sini mixirí agwíyo neríná sini nañí bi eri sipí bi eri mepa eñáná Gorixo áamá xío yariñipi náni re oyaiwípoiñiri, “O áamá nioniyá oimóniñipiñiri íá niyamixárirínáyí, wiwaniñyí wígi nañí epíríápirani, sipí epíríápirani, api náni ñiñí nimori íá yamixáriñiámami. Sa xewaniño e emíániñiri eñwípeáragípi náni ñiñí nimori ámáyo íá yamixáriñirini.” ñiñí e oyaiwípoiñiri ¹² Rebekaími re uriñinigini, “Xiráo xogwáomi ínimi wuríníárini.” uriñinigini. ¹³ Bikwíyo dání re riniñipi, “Gorixoní xogwáo Jekopo náni ñinimóniri aí xiráo Iso náni minimónarini.” riniñipi nioni “Gorixo xío wimónariñipini yárarariñirini.” searariñipi tñi xixeni rinini.

¹⁴ Ayináni píoi raniréwini? “Gorixo ámáyo íá niyamixáriríná eñipi ñipikwini meñirini.” raniréwini? Oweoi, wí e ripaxí mimónini. ¹⁵ Ayí ripi nánirini. Moseso Gorixomi rixiñí uráná Bikwíyo ñiriñiri eániñpa Gorixo re uriñinigini, “Áamá nioni wá owianimíñiríná anani wá wianimíñi. Áamá

nioni ayá urimiximiniríná anani ayá urimiximíni.”¹⁶ Gorixo e uriñí eñagi nání ayí ámá wigí diñí tñi “E oimónaneyi.” yaiwiarinagía nání íá yamixárininíyí imónarigíámani. E i oimónaneyinro aniñí miní yarinagía nání íá yamixárininíyí imónarigíámani. Sa Gorixo wá wianarinípmi dání íá yamixárininíyí imónarigíámani.¹⁷ Bikwíyo dání Moseso tñíná Gorixo Isipiýí mixí ináyomi re uriñí eñagi nání nene anani diñí axípi mopaxírini, “Nioni xopirári síápmi dání eñí eániñí nioniyá siñáni piaumimí iniri yoí nioniyá xwía nirímni yaní niwéa uri éwiniginiri nioniyá diñí tñi joxí mixí ináyí nimóniri menweañoxirini.”¹⁸ Gorixo e uriñí eñagi nání nene re niyaiwirane niñíá imóninwini, “Ámá ‘Wá owianimimí.’ wimóniníyo wá wianarinípmi. Ámá ‘Diñí wakísí oinípoyniri owimiximimí.’ wimóniníyo diñí wakísí inipíri nání wimixarinípmi.” niyaiwirane niñíá imóninwini.

“ ‘Gorixo nipikwini miyarinini.’ ripaxí mimónini.’ uriñí nánirini.

¹⁹ Seyíné re niripírái, “Joxí neararinípmi nepa eñánáyí, Gorixo pí nání ámá wigí sipí egíápi nání sini ayairírí wiarinípmi? O ‘Ámá xe api api oimónípmi.’ yaiwiarinípmi ámá go píri urakipaxí imónini? Oweoi, wí e mimóninagí nání rarinwini.” E niráná²⁰ re searimíni, “Seyíné pí ámáýíné nimónimáná Gorixomi xixewiámí wiariní? ‘Xwáría sixí xwía tñi imixíwá imixarinípmi’ ‘Niwáni imóninápmi pí nání e nimixíni?’ urinípmi.’ riseaimónarini? ²¹ ‘Xwáría sixí imixarinípmi xwía axí xépmi dání xwáría sixí wíxáu nimixiríná wíwá ayí aiwá ría nání imixiri wíwá ráí sixí yininía nání imixiri epaxí mimónini.’ riseaimónarini?” searimíni.²² Gorixo “Ámá íwí egíápi nání wikí nóninípmi owíwapiyimimí.” wimóniri “Pírí umamómi nání gí eñí eániñípmi siwá owíwapiyimimí.” wimóniri neri aí ámá xwáría sixí xwiría ikixeníwiniginiri ipimoárininíyíniní imónigíáyo apaxí mé píri mumamó kikiá neri sa siñwí niwiga warinagí nání ámá go xixewiámí niwiri “Joxí nipikwini miyarinini.” uripaxí imónini? ²³ O ámá xwáría sixí wá wianípmi giniri ipimoárininíyíniní imónigíáyo —Ayí eni seáyi e xío imóninípmi bi imónírixiniri eñíná dání ipimoárininíyínini. Ayo wá wianaríná ámá níni siñwí niwiniro re yaiwírixiniri, “Seáyi e Gorixo imóninípmi, ayí xegí bi imóniní apírani?” yaiwírixiniri wíniyo apaxí mé píri mumamó kikiá néra unípmi.²⁴ Ámá xwáría sixí wá wianípmi giniri ipimoárininíyíniní imónigíáyí, ayí nenenirini. Nioniyá oimónípoyniri wéyo íá neaumirinenerini. Gí Judayí wieneni íá neaumirinímani. Émá wíyo eni íá umirinípmi.²⁵ Nioni “Gorixo émayí eni nioniyáyí oimónípoyniri wéyo íá umirinípmi.” seararinápmi eñíná xwiýía wía rókiamoagí Xoseao Bikwíyo niriri eañí ripi tñi xixeni rinini, “Ámá Gorixoniyá mimónigíáyí nání ‘Gí ámarini.’ riri ámá diñí sixí muyipa eñáyí nání ‘Gí diñí sixí uyiñáyípmi.’ riri emíarini.²⁶ Aní nioni ‘Ámá niñíyínémani.’ urinápmi nání re ripíríarini, ‘Niaíwí Iñwía diñí niyimini tñoyáyípmi.’ ripíríarini.” Xoseao e niriri eañípmi.²⁷ Eñíná wía

rókiamoagi Aisaiaoyi riniŋo Isireriyáya íwiárfawéyí náni niriríná re riŋírini, “Isireriyáya íwiárfawéyí ámá obaxí inikí rawirawápami enjýf imóniŋípa imóniŋagi aiwi Gorixo árínípimi yeáyf uyimixemeaníárini. ²⁸ Áminá Gorixo ‘Xwía tíyo ŋweagiáyo pirí umamóimigini.’ riŋípi niyáriríná sini mé pirí umamoáriná enjagi náni rariŋini.” Aisaiao e niriri enjírini. ²⁹ “Gorixo xegí Judayo wá miwianipa nerínáyf, wí yeáyf uyimixemeanjýf imónipaxí menini.” oyaiwípoyiniri náni Aisaiao ámi ripi eni riŋírini, “Ámináo —O aŋínajf níni simiŋf wínarigíorini. O Isirerene negí ámá bi xe oŋweápoyniri siŋwí mineanipa neri siŋwiriýf, ámá aŋf Sodomiyi riniŋípimi ŋweáyf tñi Gomorayi riniŋípimi ŋweáyf tñi níni aná imónagiápa nene eni imónaniri enjwáriní.” niriri enjírini.

“Judayí xenwí xidarigíá enjagi náni wé rónigíáyf mimónigíárini.” uriŋf nánirini.

³⁰ Ayináni nene píoi raniréwini? Sa ripi raníwini. Émáýf wí “Gorixo ámá náni ‘Gí wé rónigíáyfirini.’ niráriríná ayí apimi dáni ráraririŋírani?” niyaiwiro “Wé róniŋwáyf?” oimónaneyiniro aniŋf miní mepa nero aí api tñi xixeni imónigíawixini. Wé róniŋf Gorixo ámá Jisasomi diŋf wikwíroariŋagiá niwiniríná ráraririŋípi api tñi xixeni imónigíawixini. ³¹ E imóniŋagiá aí Isireriyf ŋwí ikaxí riniŋípimi nixídiririŋípimi dáni wé róniŋf oimónaneyiniro aniŋf miní neróná wé róniŋf ŋwí ikaxí eániŋfyo riniŋípi tñi xixeni mimónigíawixini. ³² Ayí pí náni api tñi xixeni mimónigíawixini? Ayí Jisasomi diŋf niwikwíroririŋípimi dáni oimónaneyiniro mé wigí diŋf tñi ŋwí ikaxí riniŋf ripimi nixídirane oimónaneyiniro yariŋagiá náni wé róniŋf api tñi xixeni mimónigíawixini. Ayí Jisasomi —Judayí Jisasomi nipikiro aí “Gorixomi xewaxomi wí pikipaxenemani. Ayináni o Gorixomi xewaxomani.” rarigíá enjagi náni o síŋá ámá nikiripeaániri ná eánarigíóniŋf imóniŋorini. Omi nikiripeaániro nániŋf eániŋawixini. ³³ Bikwíyo dáni api náni xixeni re niriniri eánini, “Aríá époyi. Gorixoní dífí Saoniyi riniŋípimi —Api Jerusaremiyo rinini. Apimi ámá nikiripeaániri ná eániro símirirí wiri epíría náni síŋá wo e tñini. E neri aí omi diŋf wikwíróiáyf xío riŋípi tñi xixeni wiiná enjagi náni ayá wí epíríámani.” Bikwíyo dáni xixeni e niriniri eánini.

“Judayí nápi Kiraisomi diŋf miwikwírogíá enjagi náni Gorixo yeáyf uyimixemeanímani.” uriŋf nánirini.

10 ¹ Gí nirixímeáyíné, Gorixo gí Isireriyoye yeáyf uyimixemeáwiniginiri íkíniŋf sipí niariŋagi náni omi rixiŋf aniŋf miní wuriyariŋárini. ² E neri aí ayí yeáyf miyimixemeániŋoi. Nioni ayí yariŋíápi náni pírániŋf diŋf íá nixíriri náni áwanjf rariŋini. Ayí Gorixomi oxídaneyiniro símf nixeadípéniro nero aí pírániŋf diŋf neŋwipémáná

miyarĩnoi. ³Ayĩ ripi nani searariĩni. Ayĩ “Ámá e yariǵiápipimi dani Gorixo ‘Wé rónigiáyínérini.’ urarariĩrĩani?” niyaiwiriná xerĩwĩ yaiwiarigiáriini. Xerĩwĩ diĩ re niyaiwiro, “Negĩ pírániĩ yariĩwápimi dani Gorixo ‘Wé rónigiáyínérini.’ neariniáriini.” niyaiwiro apini nixĩdĩro nani Gorixomi yeáyĩ simarĩwĩyóniĩ miwurĩnĩpa ero “Api neróná wé rónigiáyíné imónipĩrĩáriini.” ráriniĩpipimi mixĩdĩpa ero egĩá ejaǵi nani searariĩni. ⁴Gĩ Judayĩ diĩ re moarigiápi, “Ŋwĩ ikaxĩ riniĩpipimi nixĩdiriĩyoy dani wé róniĩwaéne imónanĩwáriini.” Diĩ e moarigiápipimi Kiraiso píri wiakĩmonĩriini. E eĩ ejaǵi nani omi diĩ wĩkwĩróiá giyĩ giyĩ nani Gorixo “Wé rónigiáyĩriini.” ráriniáriini. ⁵Moseso ámá wé rónigiá imónipĩri nani űwĩ ikaxĩ eániĩpipimi xĩdarigiáyĩ nani niriri rĩwamiĩĩ nearĩná réniĩ rĩĩrĩni, “Ámá wé rónigiá imónipĩri nani űwĩ ikaxĩ eániĩ ripi nipini yariǵiáyĩ xixeni e neriniĩpipimi dani diĩ niyimiĩĩ tĩgiá imónipĩrĩáriini.” ⁶Wé róniĩĩ ámá űwĩ ikaxĩ eániĩpipimi xĩdarigiápipimi dani imóniĩpipi nani Moseso e rĩĩ ejaǵi aiwi diĩ wĩkwĩrówápimi dani “Ámá wé rónigiáyĩriini.” ráriniĩene Kiraiso yeáyĩ neayimixemeanĩa nani rixa niweapĩri nipémáná ámi wiápfĩnimeañĩ ejaǵi nani Bikwĩyo dani niriniĩ eániĩĩpa re rariĩwáriini, “Re miyaiwinipani, ‘Aűĩnami nani gene peyanfĩwáriani?’ miyaiwinipani. Ayĩ xwiyĩá ‘Apimi dani Gorixo ámayı yeáyĩ uyimixemeanĩáriini.’ riniĩpipi arĩa wianĩwá nani Kiraisomi aűĩnami dani gene nipeyirane nipemeámi weapanĩwá nani rariĩni. ⁷Ripi eni miyaiwinipani, ‘Siririkiĩ sřĩwĩ mayĩ imóniĩĩmi nani gene weanĩwáriani?’ miyaiwinipani. Ayĩ Kiraisomi ami dani gene niwepĩnĩrane nipemeámi yapanĩwá nani rariĩni.” ⁸Bikwĩyo xwiyĩá Gorixoyápi nani píoi rinini? Ripi re rinini, “Xwiyĩá api ná jĩami mimónini. Aűwi e segĩ sĩmĩmaĩĩ tĩĩ e imóniĩjaǵi nani api anani xwiyĩá riro diĩ moro epaxĩ imónini.” Bikwĩyo e rinini. Xwiyĩá ámá Jisasomi diĩ wĩkwĩrórĩxiniri none wá rariĩwápi nani rariĩni. ⁹Xwiyĩá api, ayĩ ripirini. Ámayıné ayá mé Jisaso nani “Ámináorini.” niriri woákĩkĩ eri “O Gorixoyá diĩ tĩni xwáripáyo dani wiápfĩnimeañĩriini.” niyaiwiri diĩ wĩkwĩrori nerĩnáyĩ, Gorixo yeáyĩ seayimixemeanĩáriini. ¹⁰Ayĩ ripi searariĩni, “Gorixo ámá wo Jisasomi diĩ wĩkwĩroariĩjaǵi niwinirĩná ‘Wé róniĩĩorini.’ ráriri maĩyoy dani woákĩkĩ yariĩjaǵi niwinirĩná yeáyĩ uyimixemeari yariĩrĩni.” searariĩni. ¹¹Nioni searariĩápi Jisaso nani Bikwĩyo dani re niriniĩ eániĩpipi tĩni xixeni searariĩni, “Ámá omi diĩ niwĩkwĩrorĩnáyĩ, xĩo rĩĩpipi tĩni xixeni wiiniá ejaǵi nani ayá wĩ wininiá menini.” niriniĩ eániĩpipi tĩni xixeni rariĩni. ¹²Ayĩ ripi naniĩriini. Áminá diĩ nineneni wĩkwĩroariĩwáo —O ámá arĩá neafĩwiniginiri yariĩ wiarigiá niyoni wá bi onimiápi miwianĩ ayá wĩ wianariĩĩorini. O ná woni ejaǵi nani Judayo xegĩ bi wiiri émayı xegĩ bi wiiri yariĩĩmani. ¹³Bikwĩyo re niriniĩ eániĩ ripi “Giyĩ giyĩ Ámináo yeáyĩ oniyimixemeanĩri yariĩ wĩáyo yeáyĩ uyimixemeanĩáriini.” niriniĩ eániĩpipi nioni searariĩápi

tíni xixeni axípi riniŋagi náni searariŋini. ¹⁴Ámá wo gí Judayí náni re niránáyí, “Kiraisomi diŋí miwikwírogiá eŋagi náni arige nero yeáyí oneayimixemeaniri yariŋí wipíráoí? O náni aría miwigíáyí eŋagi náni arige nero diŋí wikwíropráoí? Ámá wo o náni wái muriŋí eŋagi náni arige nero aría wipíráoí? ¹⁵Gorixo ámá wa wái uripíría náni murowáriŋí eŋagi náni arige nero wái uripíráoí?” Ámá wo Poroni rariŋápi píri nirakíminiri náni e niránáyí, re urimíni, “Bikwíyo dáni ‘Ámá xwiyíá yayí winipaxí imóniŋípi wái urimeariŋíáyí nurémearíná ayí awiaxírini.’ niriniri eániŋagi náni wái uripíría náni Gorixo rixa murowáripa reŋiniŋini? ¹⁶Wái ourimépoyniri urowáriagi aí Judayí níni xwiyíá yayí winipaxípi pírániŋí xixeni aría niwiro mixidigiawixini. Wía rókiamoagi Aisaiao Bikwíyo re niriri eaŋírini, ‘Ámináoxini, none áwaní urariŋwápi giyí aría nineairi diŋí ikwíroariŋoi? Oweoi, wí e miyariŋoi.’ Niriri eaŋí api nioni searariŋápi tíni xixeni imóniŋagi náni rariŋini. ¹⁷Ayináni nene nijíá ripi imóniŋwini. Ámá xwiyíá Kiraiso náni aría niwiriŋíyo dáni diŋí wikwíroariŋíárini. Ámá wí xwiyíá api wái urariŋíápimi dáni aría wiarigiárini.” urimíni. ¹⁸Ámá wo “Xwiyíá Kiraiso náni wái rariŋíápi Judayí nepa aría ría wigíawixini?” niránáyí, re urimíni, “Aga rixa aría wigíawixini. Bikwíyo dáni re niriniri eánini, ‘Ámá xwíá riri nírimini ŋweagiáyí wigí maŋí rixa aría wigíawixini. Ámá aŋí nimini ŋweagiáyí wigí xwiyíápi rixa aría wigíawixini.’ niriniri eániŋagi náni ‘Judayí rixa aría wigíawixini.’ rariŋini.” urimíni. ¹⁹Ámi ámá wo “Xwiyíá wái uragiápi náni Judayí majíá imónagiáríani?” niránáyí, re urimíni, “Oweoi, émayí aí nijíá imóniŋánáyí, ‘Judayí nijíá mimónagiárini.’ ripaxí menini.” urimíni. Moseso Gorixo náni re niwuriyiri eaŋí eŋagi náni rariŋini, “Judayíné Gorixononi ámá xeŋwí wíyo pírániŋí meariŋagi siŋwí ninaniríná sipí diŋí wiaiwipíríárini. Ámá seyíné ‘Majíá imónigiáyíri.’ wiaiwiarigiáyo pírániŋí meariŋagi siŋwí ninaniríná wikí wónipíríárini.” Moseso e niwuriyiri eaŋí eŋagi náni rariŋini. ²⁰Judayí “Gorixo émayó maríái, nenení neamímíniŋíárini.” yaiwariŋagia aí wía rókiamoagi Aisaiao eni xwiyíá Gorixo náni niwuriyiríná ayá igigí mé neri re niwuriyiri eaŋírini, “Ámá omi ge dáni winimeaniréwiniri miyariŋíáyí Gorixononi rixa siŋwí nanimeagiáyíri. Ámá Gorixononi náni yariŋí miwipa egiáyo niwaníŋoni xámi piaumímí winiŋárini.” Émayí náni Aisaiao e niriri ríwamiŋí neari aiwi ²¹gí Isireriyí náni Gorixo riŋí ripí ríwamiŋí eaŋírini, “Ayí Gorixononi tíámíni obípoyniri aniŋí miní wé awía niwixidíríná ná mé ámá maŋí niwialkiri ríwí siwíá yiri yariŋíáyo wé awía wiaxidíŋárini.” niriri eaŋírini.

“Isireriyí áríni bimi Gorixo wá wianariŋípi wímeaarini.” uriŋí nánirini.

11 ¹Ayináni “Gorixo xegí Isireriyó rixa aniŋíni ríwí umoníri.” rimíniréini? Oweoi, wí e ripaxí menini. Nioni eni Isireriyí

wonirini. Ebiríamoyá íwiáriawéyí wonirini. Siyikí Bejimano t́ni imóniḡá wonirini. Nioni e imóniḡáoni aí Gorixo wí ríwí minimonḡí eḡagi náni “ ‘Isirerí niyoni rixa aniḡíni ríwí umonḡirini.’ ripaxí menini.” searariḡini. ²O xegí ámayo —Ayí amipí sini mimóniḡáná íá yiyamiximí enḡyírini. Ayo wí ríwí umonḡimani. Wíá rókiamoagí Irajao náni Bikwíyo niriniri eániḡipi sini majíá rimóniḡoi? O Gorixo ayo eni xixe ríwí umówinḡiginiri xegí Isireriyí náni aniḡúmí ikaxí nuriríná re uriḡinigiḡi, ³“Ámináoxxini, dixí wíá rókiamoarigíáwami nowamini pikiro joxi náni ridiyowá epíría náni írái oniḡyí pipinamí ero éíá eḡagi náni joxi diḡí rikwíronḡá yoparoni ḡweaḡini. Nioni eni nipikianiro náni rixa píá niariḡoi.” uríagi aí ⁴Gorixo píoi uriḡinigiḡi? “Joxini maríái, áamá níni nioniyá imóniḡiyí 7,000 imónini. Ayí wayá ḡwíá xopaikigí imóniḡí Báriyi riniḡipimi xómiḡí niyikwiro yayí mumearigíáyirini.” uriḡinigiḡi. ⁵Ayináni enḡiná e imóniḡípa agwi ríná eni axípi áríní wí Gorixo xegí wá wianariḡipi t́ni xixeni neríná íá neayamixiḡí áríní wiene ḡweaḡwini. ⁶Gorixo ámayo íá nuyamixiríná xegí wá niwianiriḡipimi dáni íá uyamixiḡí eḡagi náni “Ámaéne naḡí bi yariḡagwi nineaniri náni íá neayamixiḡirini.” yaiwipaxí menini. Áamá naḡí yariḡagíá náni íá nuyamixiri siḡwiriyí, wá wianariḡipi mimóní, mimóní wá wianariḡipi imóniminiri enḡirini. ⁷Ayináni píoi ripaxírini? Isireriyí wé róniḡí api oimónaneyiniro aniḡí miní yariḡíápi mimónipa egíá aiwi áamá Gorixo xegí diḡí t́ni íá uyamixiḡiyíni xixeni imóniḡíárini. Wíniyí Gorixoyá diḡíyo dáni wigí diḡí rixa wakísí inigíárini. ⁸Nioni searariḡápi t́ni xixeni Bikwíyo dáni re niriniri eániḡípa, “Ayí diḡí pírániḡí nimoro ‘Gorixo api neaíwapiyimíniri ría yarini?’ miyaiwí érixiniri káká siḡwí aniri aríkwíkwí aría wiri diḡí xaxá meri epíri wimixiḡí eḡagi náni api e néra nibíásáná agwi ríná eni sini yariḡoi.” Bikwíyo dáni e niriniri eániḡípa agwi ríná xixeni diḡí wakísí inariḡoi. ⁹Depito eni re riḡirini, “Ayí ‘Niwayiróniri ḡweaḡwini.’ niyaiwiro maiwí ḡweaḡáná aiwá yayí yaniro náni nimixiro narigíápi diḡí Gorixoxiniyá t́ni xe sipogwíniḡí imóniri míréniḡí imóniri éwinigiḡi. Xe nikiripeaániri ná eánariḡíápiḡniḡí imóniri ríá meaárinariḡíápiḡniḡí imóniri éwinigiḡi. ¹⁰Gorixoxi yariḡípi náni siḡwí anopasínipíri náni joxiyá diḡí t́ni siḡwí xe síá uyiniri joxi yariḡípi náni majíá nero ikárinariḡíápi xe aniḡí aiwá íá xwéniḡí nimearíkwínimi emero érixini.” Depito e riḡípa gí Judayí nápi xixeni api nero diḡí wakísí inariḡoi.

**“Judayí maḡí wiaíkgíá eḡagi náni Gorixo émayíné
yeáyí seayimixemeaarini.” uriḡí nánirini.**

¹¹Ayináni áamá wo yariḡí re níánáyí, “Judayí Jisasomi diḡí miwíkwíropa nero nikiripeaániri ná neániríninḡí neróná aniḡí axípi e imónaríwanigiḡiniri egíárani?” Yariḡí e níánáyí, re urimíini, “Aga oweoi, ayí wiaíkgíá eḡagi náni Gorixo émayo yeáyí uyimixemeaarini.

Judayí o émáyo naní wiariŋagi siŋwí niwiniróná sipí diŋí niwiiwiro Jisasomi diŋí owikwírópoyiniri náni e yarini.” urimíni. ¹² Ayí maŋí wiaikigiá eŋagi náni agwí ríná Gorixo áamá xwíá tíyo ŋweagiá wíniyo naní ayá wí niwiiri aiwi Judayí Gorixo íá uyamiŋiŋí níni rixa Jisasomi diŋí niwikwírorínáyí, émáyo eni naní xwapí ayá wí wiiníárini. Judayí nikiripeaániri ná eánigiá eŋagi náni Gorixo émáyo naní ayá wí niwiiri aiwi Isireri Gorixo íá uyamiŋiŋí níni Jisasomi diŋí niwikwírorínáyí, émáyo niwiiríná xámi naní wiinípa mé ámi seáyi e imóniŋipi wiiníárini.

¹³⁻¹⁴ Agwí Romiyo ŋweagiá émáyíné xwiýá bi osearimini. Gorixo émáyo wái ouriniri nirowárenapiŋoni eŋagi náni nioni e neríná ripi eni yariŋárini. Gí áamá gwí axírí imónigiáyí “Gorixo émáyo naní ría wiirini?” niyaiwiro sipí diŋí wiiariŋigiápimi dáni wieríkiemeáimiginiri xío émáyo ouriniri nirowárenapiŋipi yariŋárini. E neríná “Gorixo e éwiniginiri nirowárenapiŋipi seáyi e imóniŋipíríani?” niyaiwiri yayí tíni néra wariŋárini. ¹⁵ Ayí ripi searariŋini, “Gorixo Isireriyó ríwí moŋipimi dáni áamá xwíá tíyo ŋweagiá wíniýí tíni xío nawíni piyá wírinigiáyí imóniŋagiá náni Isireriyó ámi numíminiríná ayí rixa xwáripáyo dáni wiápnimeáíáyíniŋí imónipíríárini. ¹⁶ Bisfkeriá iwamíó nimixiríná xámi bi onimiápi nixeri ‘Ripi, ayí Gorixo nánipirini.’ niyaiwiri táná nápi nipini Gorixoyániŋí imónariŋiŋipa Judayí íwiáriawéwa Gorixoyá imónigiá eŋagi náni ríwíyo imónigiáyí eni axípi oyá imónipíríárini. Íká piŋiŋí wirí ‘Gorixo nániririni.’ niyaiwiri nitirínáyí, reŋí eni oyá imóniŋiŋipa Judayíyá xiáwo íriŋiŋí Gorixoyá imónigiá eŋagi náni ríwíyo imónigiáyí eni axípi oyá imónipíríárini.” searariŋini. ¹⁷ E neri aí ewayí xwiýá ripi osearimini, “Gorixo xegí Judayo ríwí nomoríná íká oripí reŋiŋiŋí bi nóreari émáyíné —Seyíné reŋí oripí áamá iwíá urarigiá maríái, oripí xegípi yapariŋipimi dániniŋí reŋí eánigiáyínerini. Seyíné Gorixo nimeari wíniýí reŋí eánigie seaŋwirárhí eŋagi náni seyíné oripí piŋiŋipimi dáni iniigi níniŋíná Judayíyá xiáwo íriŋiŋí Gorixo naní wiiagiŋipi dáni iniigiŋiŋí níniŋí reŋí wíniýí tíni pírániŋí reŋí onarigiárini. ¹⁸ E neri aiwi Judayo Gorixo ríwí nomoríná reŋiŋiŋí óreanýí náni wárixayíné mimónipa époyi. Wárixane oimónaneyinirónáyí, xámi pírániŋí diŋí niyaiŋirori re mórixini, ‘Reŋe piŋiŋí náni iniigi ímixariŋwámani. Piŋiŋí —Ayí Judayíyá xiáwo íriŋiŋí. Ayí nene náni iniigi ímixariŋirini.’ mórixini.” osearimini.

¹⁹ Émá Jisasomi diŋí wikwíroarigiáyíné re niránáyí, “Nene neaŋwiráriminiri náni ayo óreanýí,” niránáyí, ²⁰ re searimíni, “Seyíné anani rariŋoi. Ayí Jisasomi diŋí miwikwíroariŋagiá náni óreanýí. E neri aí seyíné eni píyo dáni maríái, sa diŋí wikwíroarigiápimi dáni óreá seaŋwiráriŋiŋíné imónigiáyíné eŋagi náni wá mimónipa ero wáyí ero érixini.” searimíni. ²¹ Gorixo “Reŋí íká bimi dáni nóreari ŋwiráriŋí maríái, íká ná apámi dáni eániŋipi xe oéáni.” miyaiwí óreanýí eŋagi náni émáyíné eni “Xe oéáni.” miyaiwí axípi neaóreaniginiri “Wáyí

érixini.” searariḡini. ²² Ayináni Gorixo á máyo wá niwianiríná wiri wiki t́ni niwiríná wiri yariḡipi náni diḡi mórixini. Jisasomi diḡi miwikwíropa neriripimi dáni nikiripeaaniri nániḡi eánigíáyo Gorixo wiki t́ni niwiri aiwi émáyiné wá seawianarini. Seyiné diḡi wikwíroarigíapimi dáni aniḡi wá seawianipaxi imóniḡánáyí, ayí anani wá niseawiaga unfárini. E mepa nerínáyí, seyiné eni seawákwimo nániyi. ²³ Reḡi óreámoḡiniḡi imónigíáyi eni diḡi miwikwíro yariḡíapi rixa emi nimoro diḡi wikwíróánáyí, Gorixo wigi óreaje dáni ámi ḡwiráriníarini. Gorixo anani ámi ḡwiráripaxi eḡagi náni rariḡini. ²⁴ Émáyiné Gorixo íkiá oripí xegípi yapariḡinami dáni nóreari á má aiwá omiḡi neríná mepa yariḡíapa neri á máyanami searḡwiráriní eḡagi náni xegí anami dáni óreajeḡi aḡipaxí ámi wigi axínami ḡwiráripaxi imóniḡagi náni searariḡini.

“Gorixo ámi Isireriyo yeáyí uyimixemeaníarini.” urirí nániḡini.

²⁵ Gí niriḡimeáyiné, seyiné “Nene diḡi émi saímí moḡwaenerini.” niyaiwiniro “Gorixo xegí Judayo aniḡini emi moḡrini.” yaiwiprixiniri xwiyíá yumí imóniḡi ripi náni majíá oimónipoyiniri minimónarini. Xwiyíá yumí imóniḡipi, ayí ripirini. É má Gorixo íá uyamixiḡíyí níni xó tíámíni bipírte náni Isireriyí nápi diḡi wakisí niga upíríarini. ²⁶ E nera numáná eḡáná Gorixo Isireri niyoni yeáyí uyimixemeaníarini. Nioni searariḡápi Bikwíyo dáni xwiyíá niriniri eániḡi rípiáú sopiḡi niwarini, “Éí neamíninío díwí Saioni —Díwí Saioniyi riniḡipi Judayíá aḡi e náni riniḡipirini. Éí neamíninío díwí Saioni ḡweaḡwaéneyáo nimóniri Jekopoyá íwiárfawene uyíní yariḡwápi emi neawiaíkmóníarini.” niriniri eániri ²⁷ ámi wí e “Gorixoní wigi íwí eḡíapi yokwarimí niwiiríná ‘Ripi niwiimíarini.’ réroárimíni.” niriniri eániri eḡiáú nioni searariḡápi t́ni xixenirini. ²⁸ Judayí xwiyíá yayí neainipaxi imóniḡipi ríwí numero náni Gorixomi símí t́ni wiarigíáyi imóniḡagi náni Gorixo émáyiné naḡi seaiarini. E neri aí Gorixo wigi xiáwo íriḡíyo íá uyamixiḡi eḡagi náni xíoyá diḡi sixí uyiḡíyí imóniḡoi. ²⁹ Gorixo wá niwianiríná anipá niwiri nioniyá oimónipoyiniri wéyo íá numiriríná ámi yarápmíó miwiarigo eḡagi náni rariḡini. ³⁰ Émáyiné eḡíná Gorixomi wiaíkiagiá aiwi agwi ríná Judayí xamiḡíyí wiaíkiariḡagiá náni Gorixo seyiné ayá searimixarini. ³¹ Judayí Gorixo émáyiné ayá searimixariḡagi niwiniríná sipi diḡi niseaiawiri ámi xó tíámíni kinimónáná xamiḡíyo eni ayá urimixinía náni émáyiné wiaíkiagíapa ayí eni axípi nero xíomi wiaíkiariḡoi. ³² Gorixo á má niyoni Judayorani, é máyorani, ayá urimiximigíniri “Á má níni gí maḡi niwiaíkiariḡíyirini.” nirárirí ḡwiniḡi yáriḡirini.

“Gorixo diḡi émi saímí moḡo eḡagi náni yayí uméwanigini.” urirí nániḡini.

³³ Gorixo diḡi émi saímí mori níjía imóniri eḡipi aga seáyí e imóniḡagi náni nioni miḡi síḡá weániḡaxirini. Nene ámaéne diḡi o “E éimigini.”

niyaiwiri moŋípi náni aniŋí miní yariŋí niga nurane aí “E ría moni?” yaiwipaxene menini. Nene diŋí o nimori yariŋípi náni aniŋí miní “Arige nimori ría yariŋi?” niyaiwirane aí míkípi náni xixeni diŋí mopaxene menini. ³⁴Nioni searariŋápi Bikwíyo dání re niriniri eániŋípi tñi xixenirini, “Ámináo diŋí moariŋípi náni ámá wí nijjá rimóniŋoi? Oweoi. Omi ámá wí pírániŋí diŋí ureŋwípegíárani? Oweoi. ³⁵Ámá giyí wíniyí xámi wííápi náni xío wipaxí imóniŋorini? Oweoi.” niriniri eániŋípi nioni searariŋápi tñi xixeni imónini. ³⁶Amipí náni oyá diŋí tñi imóniri xegí imóniŋípa oyá diŋí tñi sini imóniri o nánini imóniri eŋagi náni rariŋini. Nene ífná omi seáyi e numéra úwanigini. “E éwanigini.” nimónarini.

“Ridiyowá Gorixo wimónariŋípi iníwanigini.” uriŋí nánirini.

12 ¹Ayináni gí niriŋímeáyiné, Gorixo wá neawianayariŋagi náni eŋí rirémixí bi osearimini. Naŋwí noni Gorixo náni ridiyowá yáragíápa sewaniŋíyiné eni o náni ridiyowá siŋí siyikwí míniŋí xío wimónariŋípiŋiŋí oimónaneyiniróná “Negí diŋíyo oxídinaneyi.” miyaiwí “Oyá diŋíyoni oxídaneyi.” niyaiwiro xamiŋíyiné mini winírixini. E neróná Gorixomi yayí umeaniro náni epaxípi tñi xixeni yariŋoi. ²Gorixomi mixídarigíáyí yariŋíápa axípi mé “E érixini.” wimónariŋípi náni nijjá imónipíri náni segí diŋí xámi moagíápi xe siŋí bi oneaimixiniri siŋwí winírixini. Xe diŋí siŋí bi oneaimixiniríná xío wimónariŋípi —Api awiaxí imóniri oyá siŋwíyo dání apáni imóniri wé róniŋí imóniri eŋípirini. Api náni anani nijjá imónipaxírini. ³Nioni Gorixo wá niniwianiri niŋíŋipimi dání niyínéni woxini woxini ripi osearimini, “ ‘E imóniŋáoniríani?’ niyaiwiniríná dixí imóniŋípi náni nimúrori ‘Seáyi e imóniŋáoniríani?’ miyaiwinipani. ‘E imóniŋáoniríani?’ niyaiwiniríná diŋí wikwíroarigíá woxini woxini Gorixo e epaxo e epaxo oimóniri simixiŋípi náni diŋí nimori dixí nepa imóniŋípi tñi xixeni ‘E imóniŋáoniríani?’ yaiwiniríni.” osearimini. ⁴Negí wará ná wirími dání wérani, sikwírani, bi bi iniŋwini. Bi bi iniŋwápi tñi axípiŋi yariŋwámani. Xixegíni yariŋwárani. ⁵E imóniŋípa axípi Kiraiso tñi ikárininiŋwaéne eni re imóniŋwini. Obaxene aiwi omi diŋí wikwíroariŋagwi náni nineneni axípi wará ná bimi dání sikwí wé ayí imóniŋípiŋiŋí nimóniri ikwíróniŋwini. ⁶Nineneni wá neawianiŋípi tñi xixeni ninealiríná xixegíni e epaxí e epaxí oimóniŋípiŋiŋí neaimixiŋí eŋagi náni xixegíni epaxí imóniŋwápi tñi xixeni oyaneyi. Gorixo xwiyíá xíoyápi wía urókiamórixiniri neaimixánáyí, negí diŋí wikwíroariŋwápi tñi xixeni e éwanigini. ⁷Negí wíniyo arirá wírixiniri neaimixánárani, wíniyo wíwapiyírixiniri neaimixánárani, ⁸eŋí rirémixí wírixiniri neaimixánárani, xixeni e éwanigini. Negí wíniyo negí amipí ninowiyá inírixiniri neaimixánáyí, sipíí miwí éwanigini. Negí wíniyo oumeŋweápoyniri neaimixánáyí símí nixeadípenirane éwanigini. Negí wíniyo wá wianírixiniri neaimixánáyí, kipiŋí miyí yayí tñi éwanigini.

“Kiraiso tñni ikárinigiáyiné api api néra úrixini.” urinjí nánirini.

⁹Segí wíniyo dijí sipí niwiríná mimóní miwíwapiyipa érixini. Sipí imóninjipi ríwimini nimamori nanj imóninjipi íá xirírixini. ¹⁰Xexíxexírmeáyí ayá ririmixí niniro pírániñj menarigiápa inírixini. Negí wíniyo wéyo umeaneyinero símí xeadípenírixini. ¹¹Ríwí siwíá miyí níríkwíniri érixini. Ámináomi nixídironá xíoyá kwíyipi e nírixiniri seaimixariñpimi siñwiríaniñj wiaxídírixini. ¹²Ámináo seainiápi náni dijí ikwímoarigiápimi dáni dijí níá seainíwinigini. Xeanj seámeááná xwámámí wírixini. Íníná Gorixomi rixinj urayírixini. ¹³Ámá Gorixoyá imónigiáyí wí díwí ikeamónariñagía niwiniríná segí bi mini wírixini. Ámá anj midánj wí seámeááná segí anjyo náni nipemeámi úrixini. ¹⁴Ámá rímewá seariñagía Gorixo nanj wíwiniginiri rixinj urírixini. Ayo uramixíwiniginiri rixinj murí nanj imixíwiniginiri rixinj urírixini. ¹⁵Ámá yayí yariñagía niwiniróná ayí tñni nawíni yayí ero ñwí eariñagía niwiniróná ayí tñni nawíni ñwí earo érixini. ¹⁶Segí wíniyo náni “Wílo sipíorini. Wílo nanjorini.” miyaiwipani. Ná bini axípini mórixini. “Seáyi e imóniñwaéneriani?” miyaiwinipa nero ámá yunigiáyí tñni anani gwiaumí niniro emérixini. “Nene dijí émfí saímí moñwaéneriani?” miyaiwinipa érixini. ¹⁷Sipí seaikáraná seyíne eni xixe sipí miwikáripini. Ámá nñni “Apí neríná xixeni ría yarini?” yaiwiarigiápi náni dijí nimoro érixini. ¹⁸Dinjí mixímíni nikwímori mepa érixini. Anani nepaxí eñánáyí, ámá nñni tñni piyíá niwírinero ñweárixini. ¹⁹Gí dijí sixí seayináyíne, rikikiríó seaikáriáyo seyíne eni “Pirí oumamoaneyi.” niyaiwiro mé Gorixo wikí ríá ápiáwíniñj wóninjipi xe ayo wímeáwiniginiri siñwí winírixini. Bikwíyo dáni ripi niriniri eániñagi náni searariñini, “Rikikiríó yariñagípi náni “Gorixoni pirí umamóimigini.” nimónarini. Rikikiríó seaikáriáyíne maríái, niñwanijoni pirí numamori ríniñj wimíáriní. Ámináo e riñjirini.” Bikwíyo dáni e niriniri eániñagi náni “Sewaniñyíne ‘Pirí oumamoaneyi.’ niyaiwiro xixe miwipa érixini.” searariñini. ²⁰E mepa nero Bikwíyo dáni re niriniri eániñápa érixini, “Joxi tñni símí tñni inarigiáyí agwí wariñagi niwiniríná aiwá mini wiríni. Gwíní yeáyí wariñagi niwiniríná inligí niwiri wiríni. E niwiríná wigí sipí seariñagípi náni ayá wimoríni.” Bikwíyo dáni e niriniri eániñápa érixini. ²¹Rikikiríó seaikáriáyo xixe sipí niwíronáyí, ayí seyíne xopiráríniñj seariñoi. Sewaniñyíne pirí oumamoaneyiniri nerónáyí, sewaniñyíne samíniñj imixinariñoi. Seyíne e mepa nero nanjini niwíronáyí, xopiráríniñj wariñoi. Ayináni sa apini érixini.

“Gapimaníyo simañwíyóninjí yeáyí wuríníwanigini.” urinjí nánirini.

13 ¹Ámá ayí ayí gapimaníyo simañwíyóninjí yeáyí wurínírixini. Gapimaní wí nimóniróná wigí dijíyo dáni imónarigiámani. Gorixoyá

diŋŋyo dáni imónariǵárini. O xe oimónipoyiniri siŋwí winariŋŋyíni gapimaníyí imónariǵá eǵagi náni rariŋini. ² Ayináni gapimaníyo áamá giyí wiaǵkianiro nerínáyí, ayí Gorixo “E oimónipoyi.” yaiwiŋŋipi eni pírfí rakianiro yariŋoi. Áamá e éǵáyí ría meaárinaniro yariŋoi. ³ Ayí ripi náni searariŋini. Gorixo gapimaní nimóniro seameŋweaǵíáyí naŋŋí yariǵíáyo eŋŋí óí wimixíǵrixiniri wimixiŋŋimani. Sipí yariǵíáyo eŋŋí óí wimixíǵrixiniri wimixiŋŋirini. “Neameŋweaǵíáyí náni wáyí mepa oemini.” niseaimónirináyí, naŋŋini erǵini. E yariŋagía siŋwí niseanirináyí, yayí seamepíríáriní. ⁴ Seameŋweaǵíáyí Gorixo seyíné naŋŋí seaǵíǵrixiniri wimixiŋŋí eǵagi náni searariŋini. E neri aiwi seyíné sipí nerínáyí, eŋŋí óí erǵini. Gapimaníyí kikiǵá éwaniginiri iwaní íá rixiriŋoi? Oweoi, Gorixo sipí néra waríǵíáyí re oyaiwípoyiniri, “O nene náni wikí wóniŋagi náni gapimaníyí pírfí e ría neamamoariŋoi?” oyaiwípoyiniri seameŋweaǵíáyí sipí yariǵíáyo pírfí umamóǵrixiniri wimixiŋŋí eǵagi náni searariŋini. ⁵ Ayináni nene ayo simaŋwíyóniŋŋí yeáyí wurínŋwanigini. “Pírí mineamamopa epíría náni simaŋwíyóniŋŋí yeáyí wurínŋwanigini.” maríái, “Nene woni woni neǵí yariŋwápi náni niyaiwiniríná ‘Ayo simaŋwíyóniŋŋí niwuriniríná, apáni yariŋwini.’ yaiwianíwá náni eni simaŋwíyóniŋŋí yeáyí wurínŋwanigini.” searariŋini. ⁶ “Apáni ría yariŋwini?” yaiwianíwá náni eni gapimaníyo niǵwí takisí náni mini wiaríŋwárini. Gorixo neameŋweaǵíǵrixiniri wimixiŋŋowa píraníŋŋí neameŋweaniro náni aniŋŋí miní yariŋagía náni searariŋini. ⁷ Seameŋweaǵíá giyo pí pí mini wipaxí imóniŋŋipi anani mini wíǵrixini. Takisí náni pí pí niǵwí wipíría náni imóniǵíáyo sa anani mini wíǵrixini. Simaŋwíyóniŋŋí yeáyí wurínipíría náni imóniǵíáyo e wuríníǵrixini. Wé íkwiaŋwíyo umepíría náni imóniǵíáyo e uméǵrixini.

**“Wíniyo diŋŋí sipí niwiríná ŋwí ikaxí riniŋŋipi
tíni xixeni yariŋoi.” uriní nánirini.**

⁸ Seyíné íwí éǵápimi dáni “Niǵwí neaipei.” searipaxíyíné mimónipa éǵrixini. Api mimóní “Diŋŋí sipí neaii.” searipaxípiŋi imóníǵrixini. Pí náni maríái, áamá wo wíyo diŋŋí sipí niwiríná ŋwí ikaxí eániŋŋipi tíni xixeni yariŋŋí eǵagi náni rariŋini. ⁹ Bikwíyo dáni ripi ripi riniŋŋíyí, “Meániǵíáyíné wí tíni íwí minipani. Niwíápinimeari áamá mipíkpani. Íwí mimeapani. Amipí wayá náni siŋwí íwí miwiniŋpani.” api api riniŋŋíyí tíni sekaxí ámi bi eni riniŋŋí eǵánáyí, níni nawíni níkwieroríná sekaxí ná bimini, Jisaso “Jíwaniŋoxi náni diŋŋí sipí inariŋŋipa áamá wíyo náni diŋŋí sipí wíǵrixini.” riŋŋipimi íkwíkwírí iníŋagi náni searariŋini. ¹⁰ Áamá wo womi nepa diŋŋí sipí niwiríná sipí bi wiaríŋŋimani. Ayináni “Áamá wigí wíniyo diŋŋí sipí niwirínáyí, ŋwí ikaxí riniŋŋíyí tíni xixeni yariŋoi.” searariŋini.

**“Jisaso weapiniáyí aŋwi e eǵagi náni píraníŋŋí
éwanigini.” uriní nánirini.**

¹¹ Ripi eni osearimini. Agwi ríná nene ŋweaŋwáíná náni seyíné niǵíá imóniŋoi. Sía Kiraiso niweapiri yeáyí neayimixemeaníyí nene diŋŋí

iwamíó wikwíróáná ná jíami imóniŋpa sini e mimóniŋagi náni sá wegíáyíne wiápínimeapaxíná rixa rínáriní. ¹²Síá niyiga núisáná rixa wíá nókía wariŋpa síá nene xwíá tíyo ŋweaníwá náni imóniŋyí rixa nóra wariní. Kiraiso weapíná náni aŋwí e imóniŋagi náni áamá aikí niríriri tariŋíápa amipí sipí áríwiyíná yariŋíápi píni wiárirane áamá mixí náni ikínariŋíápa amipí naŋí ikwáwiyíná yariŋíápi fá xirirane oyaneyi. ¹³Áamá ikwáwiyíná pírániŋí yariŋíápa neranéná papíkí erane uyíní erane mepa éwanigini. Áamá wí t́ni íwí inirane iyí ede dání onariŋíápi monipa éwanigini. Xeaniŋí rinimerane sipí diŋí yaiwinirane mepa éwanigini. ¹⁴E mepa nerane negí Áminá Jisasi Kiraiso wimónariŋípi aikíniŋí niyínirane íwí náni íeapá neainariŋípi yani náni wí diŋí mimopa éwanigini.

**“Sérixímeáyo xwiyíá numeariro ‘Sipí yariŋoi.’
muripani.” uriní nánirini.**

14 ¹Áamá Jisasomi diŋí niwikwíroríná wigí diŋí samiŋí niwero ududí niwiniro “Apí nerínáyí, Gorixo negí yariŋwápi náni yayí enirfeniŋoi?” yaiwinariŋíáyo seyíné anani umímínípoi. Ayí t́ni xwiyíá ximiximí inípíri náni umímínípíri náni misearariŋini. Ŋaŋíni nero umímínípíri náni searariŋini. ²Áamá Jisasomi diŋí niwikwíroríná wigí diŋí eŋí neániro wí ududí miwinipa nero “Apí nerínáyí, Gorixoyá siŋwíyo dání anani yariŋwini.” yaiwinariŋíáyi pí pí reaxí winíŋpi anani narigíárini. Áamá Jisasomi diŋí niwikwíroríná wigí diŋí samiŋí wearigíáyí naŋwí miní aiwáni narigíárini. ³Áamá “Pí pí reaxí winíŋpi anani nípaxírini.” niyaiwiro narigíáyí áamá “Naŋwí ninípaxímani.” niyaiwiro minariŋíáyo peayí miwianipa oépoi. Áamá naŋwí minariŋíáyi eni pí pí reaxí winíŋpi anani narigíáyo xwiyíá numeariro “Nípikwini miyariŋoi.” muripa oépoi. Ayo Gorixo rixa umímíniní eŋagi náni rariŋini. ⁴Pí pí anani narigíáyo xwiyíá numeariro “Nípikwini miyariŋoi.” urarigíá giyíné áamá woyá xináíwániŋí nimóniro omiŋí wiiariŋíáyo xwiyíá numeariranénáyí, “Apáni yariŋwini.” riseaimónarini? Oweoi, xwiyíá numeariríná “Sipí yariŋoi.” uriri numímíniri “Anani yariŋoi.” uriri epaxo ná woni wigí bosiworini. Ayí naŋwí ninirínáraní, minipa nerínáraní, wigí bosíwo —O Áminá Gorixorini. Oyá diŋí t́ni xíomi diŋí niwikwíróa upaxí eŋagi náni o anani umímíniníárini.

⁵Áamá wí “Síá ayi wí t́ni xixeni mimónini. Gorixoyá siŋwíyo dání ayá t́ŋíyi ría imónini?” yaiwiarigíárini. Wí “Síá wíyi seáyi e mimóní níní Gorixomi yayí umeaníwá náni apáni ría imónini?” yaiwiarigíárini. Áamá ayí ayí “Síá wíyi seáyi e imóniŋírani? Níni axípi imóniŋírani?” niyaiwiríná “Nioni e riyaiwariŋini?” niyaiwiri ipimónírixini. ⁶Áamá “Síá ayi seáyi e imóniŋíyirani?” niyaiwiro xídarigíáyí Ámináo nene yariŋwápi náni yayí owininiri náni e yariŋíárini. Áamá pí pí reaxí winíŋpi narigíáyí eni Ámináo nene yariŋwápi náni yayí owininiri náni

narigiárini. Ayí anani niniróná wigí narigiápi náni Ámináomi yayí wiarigiá eɗagi náni rariɗini. Ámá naɗwí minarigiáyí eni Ámináo nene yariɗwápi náni yayí owininiri náni “Ápi minipa oyaneyi.” niyaiwiro xidarigiárini. Ayí eni wigí narigiápi náni Gorixomi yayí wiarigiárini. 7Ayí ripi searariɗini. Negíyí wo xómini yayí winini náni siɗí ɗweapaxímani. Xómini yayí winini náni “Opémíni.” yaiwipaxímani. 8Nene sini siɗí niɗwearíná ayí Ámináo nene yariɗwápi náni yayí owininiri yariɗwáriní. Pí pí neríná Ámináo yayí owininiri yariɗwáriní. Niperíná eni yayí owininiri peariɗwáriní. Ayináni nene niperínáraní, sini siɗí niɗwearínáraní, newaniɗene yayí inaníwaniri mé sa Ámináo yayí wininíá náni éwanigini. 9Ayí ripi náni searariɗini. Kiraiso áamá pegíáyo t́ni mipé sini siɗí ɗweagiáyo t́ni wigí Ámináo imónimíániri rixa niperi ámi wíápínimeañí eɗagi náni searariɗini. 10Kiraiso áamá niyíyá Ámináoni imónimigini niperi wíápínimeañí aí diɗí samíɗí wegíáyíné pí náni segí sérixímeá diɗí eɗí eáníɗí t́giáyo xwiyíá numeariro “Sipí yariɗoi.” urariɗoi? Diɗí eɗí eáníɗí t́giááyíné eni pí náni segí sérixímeá diɗí samíɗí wegíáyo peayí wianariɗoi? Gorixo áamá niyoni xwirixí umeníáyí nineneni neameníá eɗagi náni searariɗini. 11Bikwíyo dáni re niriniri eánini, “Ámináo re riɗírini, ‘Aniɗí noní ɗweañáoni, niwaníɗoni imóniɗápi mí dáni searariɗini. Ámá ńni Gorixoni náni xómiɗí niyíkwiróná yayí ninimero woákíki niniróná ‘Niyoni náni Ámináoxi, ayí joxirini.’ niriɗírini.’ Ámináo e riɗírini.” Bikwíyo dáni e niriniri eáníɗagi náni “Ámá nineneni xwirixí neameníáriní.” searariɗini. 12Ayináni nene niɗíá re imóniɗwini. Pí pí newaniɗene eɗwápi náni Gorixo xwirixí neamearíná “Ayí api náni e eɗwáriní. E eɗwáriní.” nura waníwáriní.

“Sérixímeáyo óreámioapaxí imóniɗípi miwíwapiyipani.” uríɗí nánirini.

13Ámá niyoni xwirixí umeníó, ayí Gorixo eɗagi náni Jisasomi diɗí wikwíroɗwaéne xwiyíá xixe nimearinirane “Nipikwini miyariɗoi.” rinariɗwápi sini mirinipa nerane diɗí pírániɗí re neyírori éwanigini, “Negí nixímeá sipí eɗírixiniri nikiripeaánpaxí imóniɗípirani, nóreámioapaxí imóniɗípirani, bi miwíwapiyipa éwanigini.” Diɗí e neyírori éwanigini. 14Nioni Áminá Jisaso t́ni ikáriníɗápi mí dáni niɗíá nimóniri diɗí re niyaiwiri nipimónini, “Pí pí áamá narigiápi niniríná bi piaxí weánpaxí menini.” niyaiwiri nipimónini. E neríɗí aí áamá “Ápi niniríná piaxí neánpaxírani?” yaiwiarigiá giyí giyí ayíni aiwá api piaxí weánpaxí imónini. 15Segí diɗí t́ni “Ápi anani nipaxípirini.” niyaiwiro niniróná wíwapiyarigiápi mí dáni sérixímeá axípi nemáná “Sipí imóniɗípi níáonírani?” niyaiwiri xwiríá nikixénirínáyí, “Ayo sini diɗí sipí niwirane pírániɗí umeariɗwini.” riseaimónarini? Kiraiso yeáyí uyimixemeámíániri upeiɗí eɗagi náni sérixímeáyo segí narigiápi mí dáni xwiríá miwikixepani. 16Ayináni segí “Anani nipaxípirini.” niyaiwiri narigiápi mí

sérixímeá wí niseaxídiro axípi neriñípimi dáni piaxí niweánirínáyí, áamá wí segí yariǵíápi nání “Ayí sipí imóniñípi yariñoi.” rípirixiniri api e mepani. ¹⁷Ayí ripi nání searariñini. Gorixo, xwioxíyo páwianíwáomi ínimi niwuríniranéná ayí xwiyá iniǵí tñi aiwá tñi nání “Api nipaxírini. Api minipaxírini.” raníwá nání ínimi wurínariñwámani. Ayí wé róniñí imóniñípi xídirane áamá tñi piyá wíriniirane kwíyí Gorixoyápi dáni diñí níá neainiri yaníwá nání ínimi wurínariñwámani. ¹⁸Áamá e nero Kiraisomi xídarigíá gíyí gíyí Gorixo “Ayí apání yariñoi.” yaiwiri áamá “Ayí mimiwiáro xixeni yariñoi.” riro yariǵíáyí eñagi nání rariñini. ¹⁹Ayináni “Nene yariñwápi dáni áamá niwayiróniro ñwearo wigí diñí wikwíroarigíápi yóí imóniro epaxí imóniñípi oyaneyi.” niyaiwiro xaíwí íá xirírixini. ²⁰Aiwá segíyí wí “Ŋwíárini.” yaiwiarigíápi niniriñípimi dáni Gorixo eminiri yariñípi mipineamóniñí oyaneyi. Pí pí áamá narigíápi Gorixoyá siñwíyo dáni anani nipaxí imóniñagi aí áamá bí niniri wíyo óreámioaniri wimixáná ayí sipí yarini. ²¹Nañwí ninirínáraní, iniǵí wainí ninirínáraní, pí pí neríná apimi dáni segí sérixímeá óreámioapaxí imóniñípi mepa nerónáyí, ayí nañí yariñoi. ²²Seyíné woxini woxini Gorixo siñwí raniñe dáni “Iniǵí wainí tñi nañwí tñi nání emíápi nání e ipi riyaiwiñini?” niyaiwiro ipimónírixini. Áamá iniǵí wainí tñi nañwí tñi nání diñí niyaikirómáná “E neríná ayí ananirini.” yaiwinarigíápi xídarigíáyí wigí diñípi “Nioni sipíni yariñini.” miyaiwinípa yariñagiá nání yayí winariñirini. ²³E neri aiwí áamá wigí diñí tñi “Nioni api niniríná Gorixoyá siñwíyo dáni nipikwini mimóniñáná ría nariñini?” yaiwinarigíápi niwiaíkniri nerínáyí, wigí diñíyo dáni “Sipí ría yariñini?” yaiwinarigíárini. Ayí “E neríná apánirini.” yaiwinarigíápi tñi xixeni mé niwiaíkniri nání wigí diñípimi dáni “Nioni sipíni yariñini.” yaiwinarigíá eñagi nání rariñini. “Gorixoyá siñwíyo dáni ayí e anani epaxenerini.” miyaiwiní eñípi aríki nerínáyí, ayí íwí yariñoi.

**“Negí neaimónariñípimi mixídiní wíniyí
wimónariñípimi eni xidíwanigini.” uríñí nánirini.**

15 ¹Nene Jisasomi diñí niwikwíroranéná diñí eñí eániñí tñjwaéne negí neaimónariñípi nánini mixídiní re yaiwíwanigini, “Áamá Jisasomi diñí niwikwíroro aí wigí diñí samiñí wegíáyí amipí Gorixoyá siñwíyo dáni anani epaxí imóniñípi nání ududí nero ‘Nepa e epaxímani.’ niyaiwiro xídarigíáyíriani?” niwiaiwimáná niyunirane éwanigini. ²E neranéná nene diñí samiñí wegíáyó nañí wiariñwápi dáni síkíki oomixaneyiniri wigí yayí winipaxí imóniñípimi xidíwanigini. ³Ayí ripi nání searariñini. Kiraiso aí xegí wimónariñípimi mixídiní xío Gorixomi uríñípi nání Bikwíyo re niriniri eániñípa, “Áamá joxi ikayíwí rimeararigíápi ayí nioni eni niríárini.” Bikwíyo dáni api niriniri eániñípa Gorixo wimónariñípimi xidíñí eñagi nání re searariñini, “Negí neaimónariñípimi mixídiní diñí samiñí wegíáyí

wimónariŋpimi xídíwanigini.” searariŋini. ⁴Xwiyíá eŋíná Bikwíyo niriri eagíá giyí giyí nene fá niroanéná éwapíníwaniginiri eagíárinini. fá niroanéná aniŋí miní xídipaxí imónirane diŋí sixí ínirane eŋwápimi dáni diŋí Gorixo neaiiníápi náni ikwímórixiniri eagíárinini. ⁵“Gorixo —O áamá diŋí sixí íniro xíomi aniŋí miní xídíro epírí náni anani wimixariŋorini. O seyíné ‘Kiraisi Jisaso eŋípa nerane oxidaneyi.’ niyaiwiróná diŋí axípiní xiriro nawíni nimónimáná pírániŋí ŋwearo éfrixiniri seaimixíwiniŋini.” nimónarinini. ⁶“Seyíné diŋí axípiní tígíáyíné nimóniro náni maŋí ná bámi dáníniŋí niriro omi —O negí Áminá Jisasi Kiraisomi xanorini. Omi seáyi e umérixiniri e seaimixíwiniŋini.” searariŋini.

**“Kiraiso ‘Émáyo eni yeáyí uyimixemeáimigini.’
yaiwiŋípi tíni xixeni e eŋírini.” uriŋí nánirini.**

⁷Ayináni Kiraisomi diŋí wikwíroariŋwaéne yariŋwápimi dáni áamá Gorixomi seáyi e umepíría náni “Kiraiso neamímíniŋípa negí wíniyo eni oumímínaneyi.” niyaiwirane xixe míminíwanigini. ⁸Nioni searariŋápi, ayí ripirini. Kiraiso “Gorixo diŋí uŋwiráripaxí imóniŋoríani?” yaiwinirane “Aríowami Gorixo wigí símimaŋíyo dáni ‘Niseaiimíárinini.’ réroáriŋípi xixeni neaiiŋíárinini?” yaiwinirane yaníwá náni xío iyí símí síó wákwíniŋwaéneyá inókíniŋí nimóniri arirá neaiŋírinini. ⁹Judayene arirá neaiŋíni maríái, émáyi eni Gorixo wá niwianiri wiŋí eŋagi náni xíomi yayí umérixiniri ayo eni Kiraiso arirá wiŋírinini. Émáyi náni nioni searariŋápi Bikwíyo niriniri eániŋí tiyí tíni xixeni imóniŋagi náni searariŋini. Wí e ayí re niriniri eánini, “Ayináni áamá émáyi aríá egíe dáni Gorixoxi náni woákíkí wiri dixí yoí niriríná soŋíyo dáni riri emíárinini.” niriniri eánini. ¹⁰Ámi wí e eni re niriniri eánini, “Émáyiŋé Gorixo xegí Judayí tíni yayí éfrixini.” niriniri eánini. ¹¹Ámi wí e eni re niriniri eánini, “Émáyiŋé niyínéni Ámináomi yayí umérixini. Áamá nimini ŋweagíáyí náni yayí umérixini.” niriniri eánini. ¹²Ámi wíá rókiamoagí Aisaiwo niriri eanípimi eni re niriniri eánini, “Xíáwo Jesioyá piaxíyo dáni wo niwiaroríná mixí ináyí nimóniri émáyo umeŋweaníárinini. Émáyi diŋí ‘Pírániŋí neaiiníó, ayí oríani?’ niyaiwiro wikwímopíríárinini.” niriniri eániŋagi náni searariŋini. ¹³“Gorixo —O áamá diŋí ‘O naŋí e neaiiníárinini?’ niyaiwiro wikwímoarigíápi náni wimixariŋorini. O seyíné xíomi diŋí niwikwíroríná diŋí níá seainiri niwayiróniro ŋwearo epíría náni xwapí ayá wí seaiíwiniŋini.” nimónarinini. Seyíné eŋí eániŋí oyá kwíyípi eŋí sixí seaeámixiŋípimi dáni “Gorixo e neaiiníárinini?” niyaiwiro diŋí niwikwímoríná ayá wí wikwímórixiniri “Gorixo api seaiíwiniŋini.” nimónarinini.

Poró xío émáyo wáí uriméipi náni yayí winiŋí nánirini.

¹⁴Gí nirixímeáyíŋé, nioni eni seyíné náni diŋí re niseaiiwiri nipimónini, “Ayí wigí wíniyo naŋí wiipaxí imóniŋípi náni niŋíá

imóniro wiwini xixe éwapínipaxí imóniro egíáyí enjagi nání wíniyo naní imóniñípi onimiápi bi miwíí xwapí ayá wí niwíia warigíárini.” niseaiawiri nipimónini. ¹⁵E niseariri aí seyíne xwiýá bi bi diñí seaimómi nání payí rina neáa nuríná ayá igigí mé níriri eááriní. Ayí ripi nánirini. Gorixo wá niniwianiri ¹⁶Kiraisi Jisaso nání émáyo wái uríwiniñiniri nirípeañínini. Émáyi xegí kwíyí áamá xíoyá wimixariñípimi dání aiwá peaxí tiniñí Gorixo wimónariñípiniñí oimónípoyiniri nioni áamá apaxípa nimóniri yarigíániñí neríná xwiýá Gorixo tíámimi imóniñí yayí neainipaxí imóniñípi wái urariñárini. ¹⁷Ayináni Kiraisi Jisaso tíni ikárininaóni enjagi nání Gorixomi nuxídiríná yariñápi nání mixí meakínipaxíriní. ¹⁸⁻¹⁹Nioni seáyi e nikáriniri amípí wí nání mirí sa Kiraiso nioni yariñápi dání enjipi nánini orimíni. Nioni émáyi tíñimíni wái uriri Gorixoyá kwíyípi ení nímixiñípimi dání emimí tíni ayá riwamónipaxí imóniñípi tíni wíwapiyiri yaríná ayí aría niniro nání Jisasomi diñí wikwírogíárini. Ayináni iwamíó Jerusaremi dání néra neméisáná Iririkami piropenisí tíñí e nání ami ami nemeéríná xwiýá Kiraiso nání yayí neainipaxípi nimíni íá meáriñanigini. ²⁰Api e neríná “Kiraiso nání nijá imónigíámi ourimemini.” minimóní “Majía imónigíámi ourimemini.” niyaiwiri e enárini. “Ámá wo síñá aní nání xámi tiwayironíyo omirimini.” minimóniñí enjagi nání e enárini. ²¹“Majía imónigíámi ourimemini.” ninimóniri enjápi Bikwíyo re niriniri eániñípi tíni xixeni imónini, “Ámá o nání sini murémeániñíyí síñwí winipíriárini. O nání xwiýá aría miwígíáyí nijá imónipíriárini.” E niriniri eániñípi tíni nioni enjápi tíni xixeni imónini.

“Sipeni nání nuríná Romíyo imani seamúrómíárini.” uriní nánirini.

²²Ayináni seyíne tíámimi obiminiri xwapí ayá wí ninimóniri aí e enjápi áxewarí niniga wariñagi nání wí nibipaxí nimóniñímani. ²³E neri aí nioni tíá rímíni wí e sini urimepaxí mimóniña eri xwiogwí obaxí nimúroaríná eni ámi ámi “Romíyí tíámimi úimigini.” nimónayiri ení enjagi nání ²⁴nioni “Sipeni piropenisíyo nání nuríná seyíne eni síñwí niseaga seamúróimigini.” nimónarini. “Seyíne tíni xwiýá niseañwaxa seamúroaríná gí diñí bi yayí onininiri óí e nání aiwá bi niapowárfírixini.” nimónarini. ²⁵“E éimigini.” ninimóniri aí anígwi áamá Gorixoyá imónigíá Jerusaremi ñweagíayo arirá wimíniri e nání wariñini. ²⁶Ámá Gorixoyá imónigíá Masedonia piropenisíyo tíni Giriki piropenisíyo tíni ñweagíáyí, ayí áamá Gorixoyá Jerusaremiyo ñweagíá díwí ikeamónarigíayo arirá wíwaniginiri raúroarínigíá enjagi nání nioni nigwí api nimeámi e nání wariñini. ²⁷Wiwaniñíyí wigí diñí tíni yayí nero “E éwanigini.” rinígíawixini. E neri aí “Émáyi ayo arirá miwipaxí imónigíáyíriní.” riseaimónarini? Oweoi, Judayí Jisasomi diñí wikwírogíayo dání émáyi xwiýá yayí neainariñípi aría niwiro diñí niwikwíroríná kwíyí tígíáyí

nimóniro nání wiwaniñyí eni ayo wigí amipí bi tñni arirá wipaxí eñagi nání rariñini. ²⁸ Aynání wigí raúroaárinigiápi nimeáa nuri mini niwiri “E nirémoríná éimigini.” nimónariñipi nipini niyárimoni Sipeni piropenisíyo nání nuríná seyíné tñjmani seamúrómfárini. ²⁹ Nioni re niyaiwiri nijjá imóniñini, “Seyíné tñjmini nibiri seaímeááná Kiraiso nañí nineairíná bi onimiápi mineainí ayá wí neainfárini.” niyaiwiri nijjá imóniñini.

³⁰ Gí nirixímeáyiné, anigwi eñí rirémixí bi ripi oseaimini. Seyíné negí Áminá Jisasi Kiraiso nání diñí moro negí nirixímeá nání diñí sipí wianíwá nání kwíyípmi dání imóniñwápi nání diñí moro nero Poroni tñni nawíni gwí nimóniro nioni nání aníñí miní Gorixomi rixiñí nuriyífrixini. ³¹⁻³² Nioni Gorixo niwimóniriñipimi dání seyíné tíámni yayí tñni nibiri seyíné tñni xwiyá niñweariñipimi dání diñí sixí ínimía nání rixiñí re nuriyífrixini, “Judia piropenisíyo ñweagiá xwiyá yayí neainariñipi aría miwí wiaíkiarigiáyí omi wííapimi dání éí umínei.” nuriyífrixini. Nioni Jerusaremi nirémoríná eni áamá Gorixoyá e ñweagiáyí arirá nioni wimíápi nání yayí winíwiniginiri Gorixomi rixiñí nuriyífrixini.

³³ Gorixo —O anani áamá niwayiróniro ñweapíri nání wimixariñorini. O seyíné diñí seakikayówinigini. “Api e éwinigini.” nimónarini.

Yayí Poro wiowáriñipi nánirini.

16 ¹ Nioni negí nirixímeáí Pibíyi riniñí —Í Jisasoyá siyikí imónigiá Segiria ñweagiáyo sañí wurínaroariñí wírini. “Í apixí awiaxí wírini.” searariñini. ² Í seyíné tíámni nibiríná seyíné “Í eni Ámináo tñni ikáriníñí wírani?” niyaiwiro umíminífrixini. E neríná úrapí miwí áamá Gorixoyá imónigiá wigí wíniyo umíminipaxí imóniñípa axípi numíminiro pí pí nání ikeamóniági niwiniróná arirá wífrixini. Ayí ripi nánirini. Í áamá ayá wíyo arirá wiri nioni eni arirá niri yariñí eñagi nání rariñini.

³ Pírisiraími tñni xiagwo Akwiraomi tñni “Poro yayí eaiwárenapiñoi.” urípoi. Ayaú nioni Kiraisi Jisasomi nixídiri yariñápi nání gwí nimónigíyaúrini. ⁴ Nioni éí ninimíniri nání yoí mayí nimóniri egíyaú eñagi nání Gorixomi yayí wiaríñáriní. Nionini maríái, éamá Jisasoyá siyikí imónigiá nimini ñweagiáyí eni ayaú nání yayí wiarigiáriní. ⁵ Jisasoyá siyikí imónigiá xíomi yayí wianiro nání añí ayaúyáiwámi awi eánarigiáyo eni “Poro yayí seaiwárenapiñoi.” urípoi.

Epinitasomi —O gí diñí sixí uyiñáorini. Esia piropenisíyo áamá níni sini eñáná xámi Kiraisomi diñí wíkwírono, ayí orini. Omi eni “Poro yayí siowárenapiñoi.” urípoi.

⁶ Mariaími —Í seyíné arirá oseaiminiri aníñí miní eñírini. Ími eni “Yayí siowárenapiñoi.” urípoi.

⁷ Adíronikasomi tñni Juniasomi tñni awaúmi eni “Yayí eaiwárenapiñoi.” urípoi. Awaú nioni tñni axígwíonerini. Awaú nioni tñni nawíni gwí añyó

ŋweaŋwáwaúrini. Nioni sini Kiraisomi diŋí miwikwíroŋáná awaú xámi o tŋni ikárinigííwaú imónigíírini. Wáí wurimeiarigíá seáyi e imónigíáyí waúrini.

⁸ Abirietasomi —O Ámináoyá wo nioni diŋí sixí uyiŋáorini. Omi eni “Yayí siowárenapiŋoi.” urípoyi.

⁹ Ebanomi —O Kiraisomi nixídiri yariŋwápi náni gwí nimóniŋíyí worini. Omi tŋni gí diŋí sixí uyiŋáo, Sitekisomi tŋni awaúmi eni “Yayí Eaiwárenapiŋoi.” urípoyi.

¹⁰ Aperisomi —O Kiraisomi nixídiriná mimiwíaró píraníŋí xídariŋagi winariŋwá worini. Omi eni “Yayí siowárenapiŋoi.” urípoyi.

Arisitoburasoyá aŋiwámi wearigíáyo eni “Yayí seaiwárenapiŋoi.” urípoyi.

¹¹ Yegí axowawi Xerodionomi eni “Yayí siowárenapiŋoi.” urípoyi.

Nasisasoyá imónigíáyo —Ayí Ámináoyá wí imónigíáyíirini. Ayo eni “Yayí seaiwárenapiŋoi.” urípoyi.

¹² Tiraipinaími tŋni Tiraiposaími tŋni —Ípaú Ámináomi nixídiriná áamá wí eni oxídípoyiniri ríwí niríkwíniri aniŋí miní yarigíípaúrini. Ípaúmi eni “Yayí eaiwárenapiŋoi.” urípoyi.

Gí diŋí sixí uyiŋáo, Pesisomi —O Ámináomi nixídiriná wíniyí eni diŋí owikwírípoyiniri aniŋí miní yariŋorini. Omi “Yayí siowárenapiŋoi.” urípoyi.

¹³ Rupasomi —O Ámináomi nixídiriná mowíá xídariŋomani. Omi “Yayí siowárenapiŋoi.” nuriróná xináími —Í omi xináí gí inókíniŋí imóniŋíirini. Ími eni e urípoyi.

¹⁴ Asigiritasomi tŋni Pirigonomi tŋni Xemisomi tŋni Patirobasomi tŋni Xemasomi tŋni negí nirixímeá awa tŋni ŋweagíáyo eni “Yayí seaiwárenapiŋoi.” urípoyi.

¹⁵ Pirorogasomi tŋni xiepí Juriaími tŋni Neriasomi tŋni xinapími tŋni Oribasomi tŋni áamá Gorixoyá imónigíá ayí tŋni ŋweagíáyo eni “Yayí seaiwárenapiŋoi.” urípoyi.

¹⁶ Jisasoyá siyikí imónigíáyíiné yayí niniróná yayí óí eánenírixini. Jisasoyá siyikí imónigíá ŋweagíá api api nípini yayí seaiwárenapiŋoi.

**“Ámá xepixepá orónaneyiniro seaiwapiyarigíáyí
siŋwí winaxídírixini.” uríŋí nánirini.**

¹⁷ Gí nirixímeáyíiné, eŋí rirémixí bi ripi oseaimini. Seyíné áamá mixí orinípoyiniri seaiepiŋiro óreámioápoyniri seaiwapiyiro yarigíáyo —Ayí none seaiwapiyíŋwápi niwíalíkiro xegí bi seaiwapiyaniro yarigíáyíirini. Ayo siŋwí winaxídípoyi. Siŋwí niwinaxídíroná ayí tŋni gwiaumí minípa époyi. ¹⁸ Ayí ripi náni searariŋini. Ámá e yarigíáyí nepa Áminá Kiraisoyá xináíwániŋí nimóniro omiŋí wiirigíáyímani. Reaxí winariŋipi nánini diŋí nimoro yarigíáyíirini. Ayí diyimání ikaxí nuriro

weyí umeararigiápimi dání áamá maiwí “E neáwapiyaniro ría yariñoi?” miyaiwí egíáyo yapí wíwapiyarigiárini. ¹⁹“Romi ηweáyí xwiyía yayí neainariñipi ríwí mumó pírániñi xídarinoi.” riniñipi añí nimini yaní iwénimenjé enagi nání nioni seyíne nání yayí ninarini. E neri aí áamá nioni searariñáyí yapí seaíwapiyipírixiniri seyíne nañí imóniñipi nání diñí émi saímí moro sipí imóniñipi nání majía ero oimónípoyniri nimónariñagi nání rariñini. ²⁰Nioni searariñápi seyíne xixeni nerínáyí, Gorixo — O anani áamá niwayiróniro ηweapíría nání wimixariñorini. O sini mé obomi xopirárí niwimáná seyíneyá suyimanjwíyo wáriníárini.

“Áminá Jisaso wá seawianfwinigini.” nimónarini.

“Áamá tiyí yayí seaiwárenapáoi.” uriñí nánirini.

²¹Timotio — O Kiraisomi nixídiri yariñápi nání gwí nimóniñí worini. O yayí seaiwárenapáoi. Nioni tñi axígwíowa, Rusiaso tñi Jesono tñi Sosipatao tñi eni yayí seaiwárenapáoi. ²²Tetiasoni — Nioni Poro áwanjé niraríná payí rina eariñáonirini. Nioni eni Ámináoyáyíne yayí seaiwárenapáini. ²³Gaiaso — O Poroni xegí añíyo ηweañáná pírániñi nimeariñorini. Jisasoyá siyikí imónigía añí ripimi ηweagíáyí xegí añíyo awí eáñipíri nání umíminariñorini. O eni yayí seaiwárenapáoi. Erasitaso — O añí ripimi dánjé gapímanfíyá nígwí meñweañorini. O tñi xogwáo Kwotaso tñi awaú eni yayí seaiwárenapáii. ²⁴[Áminá Jisasi Kiraiso seyíne niyínéni wá seawianfwinigini. “E imóníwiniñigini.” nimónarini.]

“Gorixomi seáyimi uméwanigini.” uriñí nánirini.

²⁵⁻²⁶Seyíne xwiyía yayí neainariñipi — Xwiyía api Jisasi Kiraiso nání nioni wáí urariñápi tñi xixenirini. Api enjíná dání ínimi yumí imóniñipirini. Ínimi yumí nimóga bagí aiwi agwí ríná rixa wía wókímixiniñipirini. Émá nimini ηweagíáyí wí aría niwiro diñí owikwírópoyniri Gorixo — O aníñí noní ηweañorini. O enjíná dání “E imóníwiniñigini.” ráriñípa wía rókiamoagíawa eagíapi wá urimeariñwápimi dání émá nimini ηweagíáyí tñjé e rixa siñáni áwanjé rinárininiñipirini. Xwiyía api xaíwí íá oxirípoyniri seaimixipaxo, ayí Gorixorini. ²⁷Diñí émi saímí mori ηwía imóniri ejo, ayí onirini. Omi Jisasi Kiraiso neaiñipi nání diñí nimoriñipimi dání yayí seáyí émi oumeaneyí. “E éwanigini.” nimónarini.